

清

史

稿

清史稿

志十四

天文十四

客星

流隕

雲氣

客星太祖丁未年九月丙申慧星見東方天命三年十月丙寅慧星見東方尾長五丈每夜漸移向北斗十九日而沒順治九年十一月庚寅異星蒼白氣見於參西北行入畢康熙三年十月己未朔有星茀於軫見東方丁卯尾長七八寸蒼色指西南丁亥尾長三尺餘指西北逆行至翼十一月戊戌尾長五尺餘指北方至張庚子至井癸卯往西北行至昴乙巳尾指東北至胃庚戌至婁尾指東青色十二月壬戌至奎體小尾長二尺餘四年二月己巳東南方有異星見於女甲戌尾長七寸指西南蒼白色丁丑尾長尺餘往東北順行至虛辛巳至室體漸大尾長八尺餘乙酉至壁尾長五尺餘七年正月甲子西南白光長六尺餘尾指東南占曰天槍二月乙亥漸長至四丈餘尾掃天苑九旂軍井丁

亥沒十二年二月癸巳異星見於婁大如核桃色白尾長尺餘指東方甲午仍見十五年正月戊子異星見於天苑東北色白十六年三月癸卯東北方有異星見於婁體色光明潤澤尾長尺餘指西南占曰含譽十九年十月戊子慧星見右執法色白尾長尺餘指西方東行甚速壬寅近太陽不見十一月丙辰朔尾跡夕見西方壬戌見星體色蒼白尾長六丈餘寬二尺餘指東北二十一年七月己巳慧星見北河之北色白尾長二尺餘指西南往東北行甚速壬申入午宮尾長六尺餘二十二年閏六月庚戌異星見於五車北八穀東色白往西南逆行戊辰入五車二十三年五月甲申異星見大微垣東屬軫色白明大往東北順行乙酉行四度餘至右攝提下二十五年七月庚寅異星見東方近地平色白東行不急丁酉凡行十六度至柳微有尾跡壬寅至星漸沒二十七年十月己酉異星見奎色白凡三夜二十九年八月己酉異星見箕色黃凡二夜雍正元年九月己丑異星見弧矢下色白體微芒長尺餘指西北逆行至井乾隆二年六月丁卯異星出右更東色白屬婁向西南行丙子仍見七年正月丁

亥異星見東南方戊子出地二十七度餘大如彈丸色黃尾長四尺餘指西南  
屬丑宮在天市垣徐星外逆行四旬餘不見八年十一月己亥慧星見奎壁之  
間大如彈丸色黃白尾長尺餘向東指屬戌宮逆行至九年正月辛卯凡五十  
三日行二十九度餘十三年三月癸丑異星見東方大如榛子色黃尾長二尺  
餘向西南指在離宮第三星南順行至四月甲寅朔行三度尾長尺餘體小光  
微壬戌至騰蛇乙丑至王良丙寅不見十四年五月甲寅瑞星見東方大如雞  
卵形長圓色黃白光瑩潤澤行不急出天津入芻藥占曰含譽二十四年三月  
壬辰慧星見東南方甲午出虛第一星下大如榛子色蒼白尾長尺餘指西南  
順行癸卯體小光微尾餘三四寸戊申全消四月戊辰慧星見西南方在張第  
二星上己巳離張六度大如榛子色蒼黃尾光散漫長二尺餘指東南順行壬  
申形跡微小丁丑更微己卯漸散五月壬午全消十一月戊辰異星見東南方  
在井第四星下大如榛子色蒼黃向西北行癸酉行四度在胃微有尾跡十二  
月丁丑朔全消三十四年七月甲辰慧星見東南方在昴下丁未大如彈丸色

蒼白尾長三尺指西南順行甚速八月丁卯與太陽同宮不見十月辛亥見西方在列肆第二星下體勢微小尾長一尺丙子全消三十五年閏五月己酉異星見東南方在天弁第一星西大如彈丸色蒼黃癸丑向北行三十二度乙丑不見十一月乙丑慧星見東南方長尺餘丙寅在柳第二星下戊辰色蒼白尾指東南每日向西北行十餘度庚午微暗辛未全消

流隕隕星如斗者太祖戊子年九月辛亥朔夜時征王甲城土馬皆驚流星如盆者乾隆十四年九月壬申出婁宿色赤入天苑有光有尾跡流星如盤者順治四年十一月庚辰自天中西北行入濁有聲色赤光燭地鷄犬皆驚五年九月辛巳如之聲如雷十五年六月辛未自西北至東南有聲色赤不著光尾跡流星如蓋者順治四年五月戊午寅時自西北至西南色青白有光七年八月甲午自東南至東北色赤黃入斗不著光尾跡八年四月己酉自氏宿南行色青白五月戊寅自亢宿西南行色白衆小星隨之入翼九年三月丙子自中天西南行色赤入畢俱有光有尾跡九月丙申自中天入紫微垣色赤十年八月

丙寅自中天入天市垣色青赤俱有光十二年四月甲子自亢宿入危色赤黃有光有尾跡癸酉出房宿色青黃入尾十六年七月甲申出牛宿東北行色赤黃至濁沒俱不著光跡康熙二年八月丁巳自虛宿入紫微垣小星隨之三年九月戊申自中天入奎俱色赤六年正月戊寅出鬼宿色青隨後有聲入土司空七年二月戊子出大角色赤黃入箕十二年九月甲午出勾陳色青白至濁沒俱有光有尾跡十六年九月己亥酉時自正北下行色赤白尾跡如蛇有光十九年六月癸酉酉時自西南向東北聲如雷尾跡如匹布二十五年十一月壬午出左樞色白至濁沒尾長竟天十二月戊寅出軫宿色青黃入騎官二十九年二月丁亥出河鼓色黃入尾乾隆十九年正月丁巳一更出奎宿西北行二十二年三月戊申一更出西北方下行俱色青二十四年閏六月甲申五更出土司空下行三十五年九月戊辰三更出室宿西北行俱色赤俱入雲三十六年二月己丑昏出上弼下行色黃不著入三十九年十月丙戌二更出天廩西行四十年九月丁未一更出壘壁陣西下行四十一年三月丁丑昏出翼宿

西南行十月丁卯曉出平道下行俱色赤十二月癸丑出天苑下行四十二年八月壬戌一更出右旗西行俱色白五十四年十二月己卯昏出參宿下行五十五年九月壬寅一更出五車西行五十六年三月庚寅五更出天津下行五十七年五月丙辰一更出天棓東北行五十八年九月己亥五更出婁宿西南行五十九年十月丙寅曉出張宿下行六十年閏二月戊戌三更出大角西北行俱色赤俱入雲俱有光有尾跡流星如飲鐘者康熙八年九月乙卯巳時出午位色赤黃入巳位不著光尾跡流星如杯者乾隆十八年七月甲戌三更出奎宿東南行色赤入雲有光有尾跡流星如桃者順治五年八月癸巳朔自中天東北行不著色入天關十三年正月癸卯自奎宿入天中色黃白俱有光有尾跡康熙二年八月乙巳自中天至心不著色光尾跡四年六月壬申出建星入南斗辛巳出天棓入河鼓又出閣道入離宮俱色赤壬午出庶子入開陽色赤黃九月甲申朔出女宿入羽林軍小星隨之不著色十二月壬申出南河入柳小星隨之五年正月己酉出參旗入天苑俱色青白二月戊午出五車至濁

沒五月乙酉出勾陳入大陵俱色赤十月戊午出少宰入大棓色黃俱有光有  
尾跡六年二月庚戌出氏宿入大角色黃有尾跡八年四月癸亥出天弁入氏  
色青白有光尾跡先直後曲留東咸結爲雲氣如魚形向東散十年正月己未  
出勾陳入華蓋色黃白有光十一年七月辛未出東井入畢色青黃有光有尾  
跡十三年三月甲申辰時自西北至西南色白有光十五年九月丁未出外屏  
入坟墓色青黃有光有尾跡十六年四月丁未朔出紫微垣在雲中往北行不  
著色映地有光十七年九月辛丑出昴宿入閣道色青白有光有尾跡十八年  
七月己未出勾陳入文昌色青黃有光十九年五月壬辰出攝提入房色青黃  
閏八月己酉出外屏入建星前小後大色赤黃十二月甲午出勾陳入大陵色  
青俱有光有尾跡二十一年正月戊辰出大陵入壁色青白有光二十二年二  
月丁丑出明堂入軫色青白有光有尾跡二十三年二月己丑出七星入地小  
星隨之色青有光二十九年二月丁亥出郎位入軒轅八月乙亥出參宿入弧  
矢三十二年二月癸卯出房宿入尾俱色青三十三年三月壬戌出女宿入危



色赤三十六年十月丙辰出五車入弧矢色白俱有光有尾跡流星如鷄子者  
乾隆十二年十月戊辰二更出閣道東北行色青十四年二月乙酉昏出王良  
下行色赤五月庚申曉出織女西北行色青俱入雲有光有尾跡十五年正月  
壬申二更出天槍西北行色青入雲有光五月戊午曉出天船下行色青入雲  
八月戊子曉出天狼東行色赤入柳十六年八月丙申二更出斗宿下行色青  
入雲十七年六月丁巳昏出女床西北行色赤入天理戊午昏出織女東南行  
色青入河鼓十八年六月乙酉曉出河鼓南行色白入雲俱有光有尾跡己酉  
昏出東南雲中下行色赤入斗有光十九年正月癸亥曉出南河下行色赤二  
十年五月甲午昏出亢宿東南行色青俱入雲二十一年六月甲子一更出河  
鼓西北行色赤入貫索七月辛未三更出宗正西行色青十一月丙申四更出  
文昌西北行二十三年七月戊子二更出王良下行十一月壬辰一更出左樞  
西北行十二月辛酉五更出南河下行俱色赤二十四年正月癸未朔二更出  
弧矢西南行色青二月庚辰一更出柳宿西南行色赤俱入雲俱有光有尾跡

閏六月乙酉五更出天倉下行色赤入雲有光七月丙寅二更出奎宿下行己巳三更出勾陳下行二十五年六月辛丑昏出王良南行俱色赤七月己酉一更出危宿下行色青俱入雲有光有尾跡二十六年二月己卯昏出外屏下行色黃入雲有光辛卯二更出五帝座東南行色青入雲有光有尾跡九月丁巳二更出虛宿下行色赤入雲有光二十七年正月乙未朔二更出中台東北行不著色癸丑曉出天棓下行色赤二十八年二月庚戌一更出西方雲中下行色黃六月壬子一更出天廚西南行九月戊寅四更出天市垣市樓東行二十九年四月庚寅昏出四輔西北行七月辛酉曉出閣道南行俱色赤八月庚辰朔一更出天錢下行色青三十年閏二月庚午二更出軒轅東北行色赤俱入雲有光有尾跡六月丁卯昏出東北雲中東南行色黃一更出天津東行色赤俱入雲有光七月壬午曉出王良西行色青九月庚子五更出王良下行十年戊辰五更出中台東南行俱色赤俱入雲三十一年六月甲子曉出壁宿西南行色赤入羽林軍十月庚子二更出天津下行色青丙午五更出壁宿西行曉

出南河下行己未曉出軍市東行十一月甲戌五更出文昌下行三十二年二月甲寅五更出角宿東南行俱色赤俱入雲俱有光有尾跡六月庚申昏出西南雲中下行色赤入雲有光閏七月癸巳曉出八穀東北行九月庚申二更出瓠瓜西南行十月癸亥二更出天津下行己巳一更出昂宿東南行庚午五更出五車北行俱色赤三十三年七月己丑曉出河鼓西北行色黃乙卯一更出斗宿下行八月辛酉一更出左樞下行俱色青乙亥一更出天槍下行九月丙午五更出壁宿下行俱色赤丁未二更出天苑下行色黃庚戌曉出五車西南行十月壬戌二更出五車下行十一月乙酉朔曉出天狼下行俱色赤三十四年三月戊子曉出庫樓下行五月丁亥二更出天廚下行俱色青七月辛卯三更出開陽下行色赤辛丑昏出左旗西南行色黃八月乙卯曉出天苑下行辛未昏出斗宿下行俱色青十二月癸酉五更出井宿下行三十五年正月壬寅曉出螣蛇東行癸卯五更出帝座西南行二月辛亥一更出北河東南行丁卯五更出大角西北行三月丙申二更出大角東北行七月丁未二更出天市垣

梁星西北行九月乙丑曉出五車下行辛未二更出天棓下行十月丙子曉出  
軒轅東南行三十六年正月庚午二更出南河下行俱色赤十月戊辰朔五更  
出畢宿南行色黃十一月壬戌五更出鬼宿西北行三十七年七月丙辰昏出  
天弁下行俱色赤十一月甲辰曉出柳宿東南行色蒼白十二月庚辰五更出  
貫索下行色黃三十八年正月庚子曉出氏宿西行色赤九月乙丑昏出天棓  
南行色蒼白丁丑二更出參宿下行十月乙巳一更出女宿下行俱色黃戊申  
一更出壘壁陣西行色赤三十九年三月乙丑曉出角宿下行色黃七月戊寅  
昏出勾陳西行九月庚午二更出八穀下行癸酉二更出天囷下行俱色赤十  
月乙酉二更出右樞下行色白丙戌五更出奎宿下行色赤丁亥五更出天廐  
南行十二月辛巳昏出漸臺下行俱色黃四十年四月乙巳昏出勾陳西行五  
月甲戌昏出上台下行六月戊寅五更出虛宿下行甲辰五更出瓠瓜下行七  
月丙辰五更出王良下行丁巳昏出勾陳南行戊午二更出奎宿西行俱色赤  
八月丙子朔四更出奎宿西行色蒼白丁丑三更出昂宿下行色黃九月丙午

朔三更出天廩下行色赤己巳三更出羽林軍下行色蒼白十月癸巳一更出  
昂宿下行色白甲午三更出五車南行十二月丙辰一更出卷舌北行俱色黃  
辛酉昏出北河西南行四十一年三月癸酉一更出五車東南行戊子二更出  
帝座下行俱色赤四月己巳二更出尾宿西行色白五月甲戌曉出離宮南行  
色赤戊戌昏出女宿下行曉出閣道下行俱色白六月壬寅曉出天津西南行  
戊申一更出室宿下行俱色赤乙丑二更出天津西南行色青七月甲申四更  
出畢宿下行壬辰四更出霹靂下行癸巳二更出奎宿南行甲午昏出閣道下  
行俱色赤一更出昂宿下行色白己亥一更五更俱出奎宿南行九月乙未昏  
出左旗西北行俱色赤十月乙巳曉出屏星下行色白甲子三更出庶子下行  
色黃乙丑三更出左樞西北行色白丁卯五更出右執法下行四十二年三月  
己巳昏出北斗天樞西北行俱色赤甲午昏出軒轅西北行色白四月戊申曉  
出左旗東北行五月甲戌一更出天市垣鄭星東行六月癸卯四更出離宮西  
南行俱色赤七月己巳二更出女宿下行色黃三更出天紀南行色赤曉出天

船南行色黃出參宿下行色白庚午二更出貫索下行色赤丙戌二更出天市垣蜀星西北行色白癸巳一更出左樞西行八月庚戌四更出天囷北行癸丑二更出天淵下行俱色赤十二月戊午二更出天倉下行色黃四十二年二月丙辰五更出七公東北行色赤丁巳一更出奎宿下行色黃四月丙辰二更出右旗下行五月丙寅曉出奎宿西南行俱色赤六月戊寅二更出閣道西行色黃八月乙丑五更出井宿東南行十月乙亥三更出卷舌北行十一月戊子曉出右攝提西南行俱色赤壬辰一更出上衛西行色白癸丑曉出翼宿南行色黃丙辰二更出昂宿西北行十二月戊辰二更出文昌北行癸酉一更出天樞西行戊寅一更出天權下行二更出勾陳下行四十四年正月辛丑一更出天權西北行俱色白甲辰四更出南河下行色赤戊申一更出上衛下行色黃四月辛巳五更出天市垣趙星西行色赤俱入雲六月丙子二更出西北雲中東南行色白入室宿八月戊寅一更出羽林軍下行色白九月庚戌曉出軍市下行色赤四十五年二月庚申一更出參宿西行色黃丁丑三更出軫宿西行七

月乙未三更出天津北行八月壬子曉出上衛下行俱色赤庚午二更出王良西南行色黃九月辛卯曉出畢宿西南行十月甲寅昏出織女下行俱色赤己未二更出天樞西行色白十一月辛巳二更出王良東南行色黃四十六年五月庚寅一更出河鼓下行色赤六月辛卯二更出勾陳西南行乙未昏出房宿西行俱色黃九月丙寅二更出文昌下行丁卯二更下婁宿西南行十月辛未二更出玉井下行俱色赤丙申五更出天樞下行色黃戊戌曉出玉井下行十一月癸卯三更出大角南行甲辰曉出畢宿北行俱色赤四十七年六月己巳昏出貫索西南行色白乙未四更出奎宿西南行色赤七月戊戌一更出壁宿南行色黃九月壬寅曉出郢位下行癸卯昏出貫索下行十月己巳三更出昂宿東行俱色赤四十八年四月壬戌三更出瓠瓜下行色白乙丑一更出五帝座西北行五月庚子四更出天棓東北行七月丙午昏出文昌下行九月庚寅一更出天船下行十月甲戌一更出土司空下行四十九年正月丁亥朔曉出天槍東北行甲寅一更出天槍下行閏三月壬午二更出天津下行四月丁酉

一更出開陽西北行六月丁亥五更出壘壁陣東井西行壬辰二更出危宿下行甲辰昏出天棓下行七月丁巳昏出開陽下行俱色赤十二月壬午二更出織女下行色白五十年三月己卯五更出左執法下行五月甲戌二更出天江下行八月壬午曉出瓠瓜下行庚寅四更出牛宿下行戊戌五更出勾陳西行十月乙巳四更出五車東南行五十一年閏七月丙申一更出天廚西南行十月辛丑朔昏出危宿下行己未一更出王良東南行丙寅四更出大陵下行五十二年五月戊子五更出腦蛇南行八月己亥三更出五車下行辛亥五更出壁宿西南行辛酉二更出天倉下行五十三年四月乙巳二更出文昌下行六月辛丑二更出箕宿下行己未三更出奎宿下行七月壬戌五更出織女下行己巳二更出壁宿下行丁亥三更出貫索下行十月乙未四更出井宿下行五十四年五月己未昏出天棓下行閏五月戊戌曉出尾宿下行辛丑昏出天津下行五十五年四月癸丑四更出文昌下行五月癸未昏出天棓下行俱色赤六月癸亥五更出尾宿下行色白七月壬午二更出帝座西北行丙戌四更出



五車下行八月丁巳一更出王良下行戊辰曉出文昌下行十一月甲申昏出墳墓下行十二月丁卯一更五十六年四月丙午曉俱出文昌下行己酉曉出郎位下行五月丁酉五更出貫索下行七月丁丑三更出室宿下行壬午曉出奎宿西南行癸未昏出文昌下行二更出天津南行三更出壁宿下行五更出危宿下行乙未昏出文昌下行八月壬申曉九月戊寅四更俱出天倉下行丁亥昏出文昌下行十月壬寅朔五更出軒轅東南行癸丑四更出畢宿下行俱色赤十一月己卯昏出墳墓下行色黃十二月辛酉昏出文昌下行五十七年三月丁酉五更出貫索東北行六月戊寅昏出織女西北行丁亥昏出亢宿下行庚寅曉出室宿下行壬辰五更出五車下行甲午曉出昂宿下行九月辛丑五更出天倉下行辛亥昏出文昌下行乙丑曉出軒轅東南行十月丙子四更出畢宿下列五十八年三月戊申曉出室宿下行六月甲申二更出大陵下行戊戌子五更出天紀下行七月甲午四更出七公下行丙申二更出貫索下行戊申昏出織女西南行甲寅昏出貫索下行丁巳一更出危宿下行八月戊辰三

更出室宿東南行九月甲午一更出閣道下行己酉昏出壁宿下行辛亥昏出斗宿下行丁巳一更出室宿東南行十月壬午二更出危宿下行五十九年六月乙酉一更出王良下行十月乙卯朔一更出天棣下行己巳四更出五車東北行六十年二月丁巳昏出王良下行七月庚午二更出昂宿下行俱色赤俱入雲俱有光有尾跡流星如李者康熙七年四月乙亥山右執法入翼十二月癸酉出參宿入軍市俱不著色八年十月己丑出伐星色青白入天狼九年六月庚戌出離宮入虛十年九月戊寅出室宿入羽林軍俱不著色俱有光有尾跡十二年八月丙午出螣蛇色青白入心微有尾跡十四年十一月戊子出張宿色青白入天廟有光十六年八月甲寅出常陳色青赤入氏十七年正月丙子出參宿色青白入九旆十八年十月庚午出右旗後小星隨之色青赤入候星二十一年六月乙巳出天市垣色青白入心尾之間十一月戊申出東井色赤黃入上台二十四年三月戊辰出建星色白入壘壁陣二十五年九月壬午朔出胃宿色赤入東壁二十六年七月癸未出壘壁陣色青白入天紀自東南

至西北竟天二十八年二月乙卯出東次將色白入氐三十年十月丁未出胃宿色白入天倉三十一年正月己卯出貫索色青入亢九月癸丑出東井色白入天苑三十二年七月辛亥出王良色黃入五車三十五年十月甲辰出少微色青入庶子三十八年十一月乙未出勾陳色赤入王良四十七年九月戊戌出內屏色青入文昌五十三年八月壬申出蜀星色赤入尾己卯出牛宿色青入南海五十六年十二月丁未出畢宿色青入天倉俱有光有尾跡六十年十一月丙午未時自西北至東南色赤有尾跡雍正元年三月壬午出左樞色青入天津二年四月庚戌出左執法色赤入角俱有光有尾跡流星如核桃者乾隆八年八月乙卯未正出東北雲中下行色黃入雲微有尾跡以晝見其餘乾隆年間一千五百有餘皆以昏曉及夜見流星如栗者康熙十一年五月壬子出天廐入奎有光有尾跡流星如彈丸者康熙十七年五月庚申辰時出西南色赤有光七月戊午酉時出西北色青乾隆元年五月壬戌午正自西南下方行色黃七月癸卯戌初刻出東北高五十餘度下行至二十餘度沒色白有

光有尾跡皆以蜚見其餘順治年間五康熙年間六十二雍正年間一十三乾隆年間三千一百有餘皆以昏曉及夜見流星如榛子者乾隆年間一十四皆以夜見

雲氣太祖壬子年九月癸丑東方有藍白二氣癸丑年九月庚辰日傍有青紅二氣對照如門祥光四暎乙卯年三月甲戌有黃氣亘天人面暎之皆黃十月戊申有紅綠祥光二道夾日又有藍白光一道掩暎日上如門天命三年正月丙子有黃氣貫月中其光寬二尺許約長三四丈四月壬子有藍黑氣二道自西而東橫亘於天五月乙卯有紅綠白三氣自天下垂覆營左右上圓如門九月甲寅東南有白氣自地冲天末偏銳如刀約長十五丈凡十六日而滅五年三月癸丑夜有藍白二氣自西向東繞月之北至南而止天聰五年八月丁卯明兵來攻阿濟格貝勒大霧不見人忽有青藍氣自天冲入敵營霧忽中開如門我兵遂克崇德六年九月辛巳黎明東方有金光大如斗內復有金光一道直如椽冲天而起順治元年六月庚午酉時有白氣自西南西至東北十月壬

辰五色雲見日上三年正月壬戌北方雲中有赤光如火影四年五月庚戌有白氣自西南至東北十月壬辰五色雲見日上十二月壬辰如之八年十二月壬子夜有白氣從艮至乾十年六月丙申青赤氣生日上下十二年六月庚午北方有青黑雲氣變幻如龍康熙三年十二月甲戌金星生白氣一道長三丈餘五年二月庚申亥時中天蒼白氣四五道三月庚寅酉時東南黑氣一道六年八月己亥有白光一道自東至西七年正月甲子酉時西南白光一道尾至東南入地約長六尺餘十餘日漸長至四丈餘掃天苑天旂軍井八年六月甲申西北直氣一道十一年二月甲午五色雲見中天厯已至申乙未如之六月戊子五色雲見日上十二月癸卯五色雲見日旁十二年正月庚辰西北至東南蒼白氣經天如匹布十三年六月己巳夜東北蒼白雲一道七月甲戌白氣一道貫日自南至北長六丈餘十五年三月乙酉五色雲見中天七月戊戌庚戌皆如之十六年三月甲辰五色雲見日傍七月癸未十七年二月戊辰皆如之六月辛巳青氣一道寬五尺餘壬午蒼白氣一道青氣三道寬尺餘癸未青

氣一道寬六尺餘俱自西北至東南十八年八月乙丑正北黃黑雲一道變赤黃色寬四尺餘長數丈十九年十一月戊午至辛酉西南蒼白氣一道寬尺餘銳指東北長三丈餘漸長至四丈餘二十年六月辛卯東北青氣六道十月癸未正北黑雲一道穿北斗約長三丈餘二十四年十月丙午日上蒼白雲映出五色鮮明三十五年五月戊辰五色雲見中天四十一年二月甲寅酉時西南白雲一道長二丈餘寬尺餘穿天倉天苑入地平至丁巳長三丈餘六十一年十一月癸卯五色雲見日上雍正元年九月丁丑朔五色雲見中天十月辛未二年正月辛巳皆如之五年八月辛亥丑時正北黑雲一道東西俱至地平寬尺餘七年三月戊辰五色雲見日旁十一月丙申慶雲見於曲阜環捧日輪歷年未申三時於時上發帑金修建闕里文廟八年正月辛巳五色雲見日下六月辛丑子時正北至東南黑雲一道寬尺餘九年九月乙酉丑時西北至東西白雲二道寬尺餘十三年正月雲南奏報年前十月二十九日大理等府五色雲見廣東高州府如之乾隆元年十月壬戌未時五色雲見日上及旁癸亥未

時乙丑辰巳二時皆如之二年正月辛卯子時西南至東北黑雲一道寬一尺三年七月己巳卯時西北白雲一道寬三寸長一丈餘往西南行四年三月乙丑寅時東南雲一道寬尺餘長數丈丙寅巳時北方白雲一道寬七八寸長三丈餘八月乙未北方白雲一道寬尺餘自東至西五年三月丁巳亥時東南白雲一道寬尺餘長三丈餘五月辛酉亥時東南黑雲一道寬尺餘長二丈餘七年正月戊寅子時月下白雲一道寬尺餘長三丈餘二月丁酉午時五色雲繞日戊申巳時見日旁亥時北方白雲一道寬二尺餘自東至西八月己酉子時東方白雲一道寬尺餘長五尺甲寅巳時五色雲捧日九月甲子午時繞日十月庚寅辰時丁酉辰時八年三月丙辰辰時皆如之己巳巳時見日上丁丑酉時如之閏四月辛酉夜子時月上白雲一道寬尺餘自西北至東南戊寅辰時五色雲見日旁六月甲子酉時見日上戊辰未時繞日甲戌己午二時如之七月丁酉子時繞月戊戌子時北方白雲一道寬尺餘自東至西乙巳午申二時五色雲繞日八月丁卯見月上戊辰亥時繞月十月丙辰巳時見日下丁巳申

時繞日壬戌巳時見日下九年正月乙巳辰時至午時見日上五月癸未戌時繞月十一年七月乙巳亥時中天白雲一道長丈餘十二年六月辛酉丑時西南至正東黑雲一道寬三尺餘俱至地平丁亥五色雲繞日十四年二月庚辰子時東南黑雲一道寬二尺餘長十丈餘十一月戊申卯時東方白雲一道寬尺餘長丈餘十八年二月丁亥朔申時五色雲見日上十九年四月丙申子時中天白雲一道自東南向西寬尺餘長二丈餘二十一年五月辛巳亥時東南白雲一道寬尺餘長數丈閏九月乙卯丑時東北至西北如之



清史稿

災異志

傳曰天有三辰地有五行五行之沴地氣爲之也水不潤下火不炎上木不曲直金不從革土爰稼穡稼穡不熟是之謂失其性五行之性本乎地人附於地人之五事又應於地之五行其洪範最初之義乎明史五行志著其祥異而創事應之附會其言誠踳矣今準明史之例並折衷古義以補前史之闕焉

災異志一

洪範曰水曰潤下水不潤下則爲咎徵凡恒寒恒陰雪霜冰雹魚孽蝗蝻豕旤龍蛇之孽馬異人痾疾疫鼓妖隕石水潦水變黑眚黑祥皆屬之於水

順治九年冬武清大雪人民凍餒遵化州大雪人畜多凍死十年冬保安大雪而月人有凍死者西甯大雪四十餘日人多凍死十一年冬灤河大雪凍死人畜無算十三年冬武强大雪四十日凍死者相繼於塗昌黎灤州大雪五十餘日人有陷雪死者康熙三年三月晉州驟寒人有凍死者萊陽雨奇寒花木多

陳死十二月朔玉田邢台大寒人有凍死者解州芮城大寒益都壽光昌樂安  
邱諸城大寒人多凍死大冶大雪四十餘日民多凍餒萊州奇寒樹凍折殆盡  
石埭大雪連綿深積數尺至次年正月方消南陵大雪深數尺民多凍餒在平  
大雪株木凍折十一年三月文水大雪嚴寒人多凍死冬昌化大雪平地深三  
尺十五年十一月咸陽大雪深數尺樹裂井凍十六年九月臨淄大雪深數尺  
樹本凍死武鄉大雨雪禾稼凍死沙河大雪平地深三尺凍折樹本無算二十  
二年十一月巫山大雪樹多凍死太湖大雪嚴寒人有凍死者二十四年四月  
定陶烈風寒雨人有凍死者二十七年郝昌大雪寒異常江水凍合二十八年  
冬衢州大雪寒異常二十九年十一月高淳大雪樹多凍死武進大寒木枝凍  
死十二月廬江大寒竹木多凍死當塗大雪橘橙凍死阜陽大雪江河凍舟楫  
不通三月始消宜都大雪樹飛鳥墜地死竹谿大雪平地四五尺河水凍三水  
大雪樹俱枯海陽大寒凍斃人畜揭陽大雪殺樹澄海大雨雪牛馬凍斃三十  
年冬房縣酷寒人多凍死四十二年春房縣雨雪大寒五十五年冬高淳大雪

盈丈五十七年七月通州大雪盈丈十二月太湖潛山大雪深數尺五十八年正月嘉定嚴寒太湖潛山大雪四十餘日大寒雍正五年冬屯留大雪嚴寒井凍乾隆五年正月嵎縣大雨雪奇寒福山大寒九年正月曲沃大寒井中有冰十三年十二月上海大寒雨雪十六年三月武强大雪平地深尺許人畜多凍死二十二年正月豐順雨雪大寒人畜凍斃二十四年冬永年大寒二十六年冬福山大寒樹多凍死文登榮成大雪寒甚婁縣大寒河冰塞路臨朐大寒井水凍餘姚大寒江水皆冰五十七年六月房縣大寒如冬五十九年七月湖州寒如冬嘉慶元年正月青浦雨雪大寒傷果植溧州大寒井凍花木多萎永嘉大風寒甚冰凍不解湖州大雪苦寒殺麥義烏奇寒如冬桐鄉大風雪寒十二月金華大雪麥幾凍死三年五月初五日青浦大寒廚竈皆冰十年十二月棗陽大雪結寒冰厚五尺十九年秋招遠黃縣大寒海凍百餘里兩月始解二十四年十二月南樂大雪平地深數尺人畜多凍死道光十一年冬元氏南樂大雪井凍冰深四五尺十一年十二月朔撫甯大雪平地深三尺飛鳥多凍死二

十一年正月登州府各屬大雪深數尺人畜多凍死冬高淳大雪深五尺人畜多凍死黃川大雪深數尺經兩月始消民多凍餒羅田大雪深丈餘民多凍餒咸豐八年七月大通大雪厚二尺壓折樹枝穀皆凍秕不收九年六月青浦夜雪大寒黃岩奇寒如冬有衣裘者十一年十二月臨江府及貴溪大寒樹多凍折蒲圻大雪平地深五六尺凍斃人畜甚多河水皆冰同治元年六月崇陽大寒冬咸甯冰凍奇寒四年正月十四日三原大風雪人多凍死棗陽雨雪連旬樹多凍死十六日鍾祥鄖陽大雪漢水冰樹木牲畜多凍死十二年十一月三原大雪六十餘日樹多凍死光緒二年五月遂昌奇寒人皆重棉

順治四年三月獻縣肅甯昏霧四晝晦十四年十月二十八日東陽大霧竟日不散十五年正月朔潛江大霧晝晦康熙元年三月初八日臨榆昏霧竟日十六年清河陰霧四十餘日二十年三月桐鄉恒陰二十二年三月肅縣重霧傷麥三十年正月江浦大霧蔽天四十三年八月慶雲昏霧障天六十一年六月濰縣濃霧如煙雍正二年十二月十五日掖縣大霧乾隆元年十一月二十二

日海陽大霧二十六年八月初四日獨山州宿霧冥濛近午始霽三十三年二月十六日梧州大霧嘉慶元年三月二十六日宜城昏霧晝晦四年十二月朔蓬萊大霧竟日氣如硫磺十五年正月榮成大霧道光六年五月肅州大霧二十九年正月雲夢晝晦六閱月天氣陰霾三十年正月朔登州陰霧咸豐元年十二月除夕泰安通渭大霧二年正月二十四日陵川大霧晝晦同治元年正月庚寅青浦大霧著草如棉日午始散二年正月二十四日陵縣大霧晝晦三月十六日涇州大霧通渭泰安大霧至四日乃止六年二月日照大霧光緒十一年邢台大霧

順治元年四月棲霞隕霜殺麥二年八月垣曲隕霜六年四月莊浪隕霜殺麥七年四月靈台隕霜殺麥十五年四月東昌隕霜殺麥六月高唐隕霜十六年三月榮河隕霜殺麥十七年春穀雨後岳陽霜屢降萬全隕霜殺麥康熙二年四月二十三日高苑隕霜殺麥六月維南商南隕霜三次三年四月二十一日夜清河風霜并作二十三日新城鄒平陽信長清章邱德平隕霜殺麥二十四

日益都博興高苑寧津東昌慶雲雞澤隕霜殺麥十一年四月樂安隕霜殺麥  
五月通州隕霜殺麥七月岢嵐州吉州隕霜殺禾十二年正月四月壽光隕霜  
殺麥十四年四月平度掖縣萊陽昌樂安邱館陶濱州蒲台隕霜殺麥五月冠  
縣隕霜殺麥十五年四月武強隕霜殺麥十七年春碭山額上銅山隕霜殺麥  
十八年三月無極隕霜殺麥十九年四月榆社隕霜殺菽六月沂州隕霜八月  
高州大雪二十一年三月太平隕霜殺麥二十二年七月靜樂隕霜殺禾二十  
三年四月儀徵靜甯州隕霜殺麥二十六年七月西寧隕霜二十七年三月臨  
潼隕霜殺麥七月岳陽隕霜殺禾二十九年三月商州隕霜四月長治隕霜三  
十年五月長治隕霜八月武進隕霜殺稼五月朔平遼兩雪六月龍川隕霜殺  
禾三十三年八月懷來隕霜殺稼三十四年七月孟縣隕霜殺禾八月十五日  
嵐縣永甯州中衛絳縣垣曲隕霜殺禾三十五年八月靜甯介休沁州沁源臨  
縣陵川和順延安各處隕霜殺稼三十六年七月樂平保德州隕霜殺禾八月  
岳陽隕霜殺禾沁源霜災九月龍門大雪西鄉隕霜殺稼三十七年七月陽高

隕霜殺禾四十四年三月碭山湖州大雪六月銅鄉湖州大雪狄道州隕霜殺  
禾四十七年二月鶴慶隕霜殺麥四十八年七月德州隕霜殺禾五十年正月  
潮陽隕霜五十六年二月涇陽隕霜殺麥七月通州大雪盈丈五十九年七月  
安定隕霜殺禾八月德州隕霜殺禾六十年五月臨朐隕霜殺麥雍正元年八  
月懷安隕霜殺禾二年八月江浦隕霜殺稼六年七月甘泉隕霜殺禾八年八  
月沁州隕霜殺禾稼九年八月沁州復隕霜殺禾稼乾隆四年四月通州隕霜  
殺麥八年七月無爲大雪八月初一日東光隕霜殺禾十年七月廣陵隕霜殺  
禾十二年六月丙子蘇州雨雪己卯庚辰又微雪十三年四月同官隕霜殺麥  
十六年四月同官隕霜殺麥九月龍川隕霜殺禾二十年七月正甯隕霜殺禾  
八月葭州隕霜殺禾二十七年七月會寧正甯隕霜殺禾二十八年五月和順  
隕霜殺稼三十一年三月高邑隕霜五十一年五月通渭隕霜殺麥五十二年  
七月宣平隕霜殺菽五十五年三月平度鄒平臨邑隕霜殺麥四月范縣隕霜  
殺麥五十六年三月壽光安邱諸城隕霜殺麥平陰隕霜殺麥後日後復發新

苗嘉慶十年三月東平濟甯莘縣隕霜殺麥十三年四月靖遠樂清隕霜殺禾十四年立夏前三日江山雨雪十九年八月望都隕霜殺稼二十二年八月涿州望都隕霜殺稼二十五年八月貴陽隕霜殺稼道光十二年四月諸城隕霜殺麥七月望都甯津隕霜殺禾十五年四月黃縣隕霜殺麥十八年八月元氏隕霜殺禾十九年八月狄道州隕霜殺禾二十年七月臨朐隕霜殺禾二十二年四月初八秦州隕霜殺麥咸豐九年二月沁源隕霜殺麥同治九年二月沁源隕霜殺麥光緒二年八月初八日甯津東光臨榆隕霜殺禾十八年四月化平廳隕霜二十八年八月莊浪隕霜殺禾

順治元年沙河大雨雹二年三月平樂雨雹大如鵝卵五月二十四日武鄉雨雹大如鵝卵南雄雹拔木四月文安大雨雹傷麥四年五月岑溪雨雹大如碗五年二月邱縣大雨雹三月海豐雨雹小者如雞卵損麥閏三月三日崑山雨雹大如斗破屋殺畜六年六月臨淄大雨雹壽光大雨雹平地深數尺木葉盡脫九月定遠廳雨雹傷麥十月十五日咸甯大雨雹所過赤地七年五月應山



大雨雹信陽雨雹傷麥六月武鄉雨雹其形如刀八年二月十六日順德雨雹大如斗擊斃牛馬五月邱縣大雨雹汾西雨雹大者如拳小者如卵牛畜皆傷麥無遺莖七月黎城雨雹大如鵝卵九年四月二十三日潞安雨雹大如雞卵屋瓦俱碎長治雨雹大如雞卵五月十六日臨縣雨雹大如雞卵積地尺許嵐縣大雨雹傷禾膠州雨雹大如雞卵六月臨縣雨雹陽曲雨雹大如鵝卵十年四月四日貴池雨雹大如碗屋瓦皆碎武寧雨雹如石殺鳥獸崇陽雨雹人畜樹木多傷五月海寧雨雹大如雞卵屋無存瓦樹無存枝涇陽雨雹大如拳永壽雨雹大如拳小如卵積地五寸二日始消大傷禾稼十月十日袁州雨雹大如栲栳者甚多有一雹形如杵長可一丈一尺有奇十一年二月十五蒼梧大雨雹三月松滋大雨雹五月長樂雨雹漢陽雨雹大如雞卵平地深一尺六月維南大雨雹積地尺許人不能行十四年六月初三猗氏大雨雹薊薊等七州寶坻等二十一縣雨雹十五年三月寧波大雨雹擊斃牛羊桑葉盡折鎮海大雨雹閏三月朔上虞龍門大雨雹倏忽高尺許或如拳有巨如石白至不能舉

人畜多擊死十六年閏三月初四順德大雨雹四月蕭縣大雨雹殺麥六月清  
澗雨雹大如鵝卵八月膠州雨雹傷稼九月新河雨雹傷數十人至三月始消  
十七年四月壬寅清河雨雹大如斗十一月鶴山雨雹大如雞卵十八年正月  
二十七日順德大雨雹傷人畜揭陽雨雹大如拳屋瓦皆碎三月初六萍鄉雨  
雹其狀或方或圓或如犁屋瓦皆碎八月懷安雨雹大如雞卵厚盈尺冬清澗  
雨雹大如鵝卵有徑尺者積數尺康熙元年三月二十一海寧大雨雹河間雨  
雹大如斗五月懷安大雨雹人畜有傷龍門大雨雹榆社大雨雹人畜多傷二  
年正月二十八望江雨雹二月要陸雨雹三月朔襄陽雨雹四月十六日鎮洋  
大雨雹六年六月香河雨雹大如碗平地深數尺田禾盡傷屋瓦皆碎遠近數  
十里八月保安州大雨雹傷人畜宣化大雨雹傷禾懷來大雨雹傷人畜七年  
五月新安雨雹大如甌屋舍禾稼盡傷十二年三月行唐大雨雹七月虢龍雨  
雹大如斗十七年三月連山雨雹大如拳擊死牛畜十八年正月惠州雨雹大  
如拳十九年七月陽曲雨雹大如雞卵有大如磴礪者擊死人畜甚多二十六

年四月平湖雨雹大如升小如拳六月二十四日文縣雨雹大如雞割之內有小魚松苔三十三年二月開平大雨雹五月汶上雨雹大者經尺擊死數人三十四年三月江夏雨雹大如豆中有黑水三十六年閏三月黃安大雨雹四月湖州大雨雹三十七年正月十六靈川雨雹大如雞卵安南雨雹大如拳麥無收三十九年七月元氏大雨雹四十年二月鶴慶大雨雹四十二年三月桐鄉大雨雹損菜菽湖州大雨雹龍門大雨雹或如拳如臂如首或長或短或方或圓積深二三尺壞民居無算虎豹雉兔斃者甚多崖州大雨雹如霜著樹皆萎蒲縣雨雹四十三年六月翁源大雨雹蒲縣雨雹傷禾七月定襄雨雹傷禾四十四年三月桐鄉大雨雹湖州大雨雹八月密雲雨雹傷禾四十六年二月湖州雨雹三月初四日陵川雨雹瓊州雨雹大如拳六月東明大雨雹麥盡傷四十八年二月初六日荔浦雨雹大如搗卵積地尺許夏大埔雨雹白如繭積地數尺江浦來安雨雹五月十六日雞澤大雨雹傷人百餘秋代州雨雹五十一年五月解州雨雹沁源雨雹大如雞卵七月黃岡雨雹擊斃人畜五十二年三

月二十七日全州大雨雹屋瓦皆飛五十三年五月固安西雨雹七月朔平大街雨雹傷禾五十四年三月江浦雨雹大如升傷麥五十五年夏新樂雨雹大如碗浮山雨雹大如雞卵田禾盡傷崇陽雨雹五十七年三月龍川雨雹大如斗壞民舍牛馬擊斃無算五十九年六月雞澤雨雹大如雞卵傷禾六十年三月連平雨雹毀民舍鎮安慈谿上虞餘姚雨雹小者如碗大者如斗七月柏鄉大雨雹如雞卵傷禾六十一年四月平定樂平冰雹五月安邱大雨雹十一月初十日香山雨雹十二月贛州雨雹大如雞卵傷牲畜雍正元年正月鶴慶大雨雹三月融縣雨雹二年五月福山雨雹大如雞卵八月秦州雨雹擊斃牛馬鳥雀無算東安雨雹傷稼三年正月定州大雨雹三月崑山大雨雹夏長甯雨雹大如雞卵傷鳥獸甚多四年正月甘泉雨雹大者如斗小者如升屋舍盡毀三月吳川雨雹五月舒城雨雹大如斗六年五月商南大雨雹損屋舍七年四月惠來大雨雹如雞卵傷禾高平岑溪雨雹樹皆折七月靜甯州雨雹大如碗八年六月安遠大雨雹擊斃禽畜甚多八月海甯沁州大雨雹毀屋舍十年二

月連州大雨雹損麥八月白水雨雹九月湖州桐鄉大雨雹十一年三月海寧  
雨雹桐鄉雨雹傷麥八月陽信雨雹大如雞卵深三尺餘田禾盡損冬嘉興雨  
雹傷麥十二年三月無爲大雨雹鶴慶大雨雹蒲圻大雨雹四月湖州雨雹損  
麥乾隆元年二月廣州大雨雹三月榮經冰方山大雨雹五月十七日青城雨  
雹大如胡桃六月郢西雨雹鳥獸多擊死七月二十五日南和大雨雹平鄉大  
雨雹毀房廬傷田禾懷安雨雹傷禾九月長子大雨雹片片著禾如刈十一月  
京山雨雹三年正月十四日武甯雨雹大者重四五斤四月白水大雨雹傷麥  
四年三月北流雨雹富平臨清雨雹傷禾四月丙戌蘇州大雨雹損麥崑山大  
雨雹損麥五年六月絳縣雨雹傷禾六年秋廣靈雨雹傷稼七年三月畢節雨  
雹大如雞卵四月涿州雨雹大如雞卵八年四月初五日安州雨雹大如雞卵  
深三尺初九日崑山大雨雹損麥閏四月高邑大雨雹七月高苑大雨雹傷麥  
十年五月涿州雨雹初八日青城雨雹大如酒杯六月丁未同官雨雹大如彈  
戊午又雨雹壞廬舍無算八月慶陽大雨雹傷禾十一年三月體縣大雨雹四

月金鄉魚台莒州雨雹大如雞卵傷麥五月曲沃雨雹大如車輪十二年六月十一日高平文鎮大雨雹傷稼七月二十五日安化雨雹傷禾十三年正月初二日鶴慶信宜象州恩縣遂安雨雹大如斗傷麥四月初四日上海雨雹傷麥豆崑山大雨冰雹擊死人畜無算五月十一日泰州通州大雨雹壞屋十三日睢縣大雨雹大如白民舍損壞無算六月樂平雨雹傷稼秋懷來懷安西甯蔚州保安雨雹成災十二月忠州西鄉大雨雹傷禾十四年二月初七日忠州雨雹四日太平雨雹六月朔高邑大風雹十月樂平稷山雨雹傷禾十一月正定府屬雨雹傷稼十五年五月彭澤大雨雹重三十餘觔五月初四日宜昌大雨雹六月十五日膠州濱州大雨雹傷人畜禾稼八月戊子白水雨雹傷稼九月鄖縣房縣大雨雹傷人畜十二月信豐大雨雹十六年三月榮成大雨雹十八年四月二日定番州大雨雹壞民舍百餘間二十年三月黃岡雨雹長三十餘里大者經尺四月初三玉屏大雨雹壞屋五月十七日高平大雨雹人有擊斃者二十一年六月潮陽大雨雹週遭二十餘里禾稼多傷二十二年八月即墨

大雨雹深尺許二十三年三月龍川大雨雹東湖雨雹大如卵積盈尺者十餘里四月二十九日永平大雨雹形如鉢人有擊斃者五月中部雨雹大如卵厚尺許莊浪琅縣大雨雹六月十六長子大雨雹十一日方止二十三年三月宣昌雨雹大如卵積地盈尺四月陵川雨雹大如雞卵深盈尺十一月武寧大雨雹重五六觔二十八年十月羅田雨雹二十九年二月慶元大雨雹三十年三月臨邑大雨雹鳥獸死者相枕籍六月二十四日樂平雨雹傷稼三十一年五月鄧縣冰雹三十二年五月邢台大雨雹深尺許三十三年四月莒州大雨雹三十五年五月二十三東平大雨雹三十九年二月樂平雨雹傷麥五月黃縣大雨雹厚積數寸四十年三月十七日屏山大雨雹四十二年六月二日陽雨雹深者四尺淺者二尺月餘方消四十三年五月房縣雨雹或方或圓或如磚傷人畜無算合肥大雨雹四十四年四月平度大雨雹五月黃縣雨雹傷麥四十七年四月戊子寶雞雨雹傷麥五月文登大雨雹傷禾三十年二月二十三瀘溪雨雹三月潛江雨雹五十四年五月初四洛川大雨雹五十五年二月

荊州大風雹四月初六青浦雨雹大如拳擊死一牛八月江陵大雨雹五十六年二月永安州大雨雹十月初八日東光大雨雹五十七年五月三日泰州大雨雹莒州雨雹大如鵝卵厚三尺傷禾稼禹城陵縣壽光大雨雹七月黃縣大雨雹傷禾五十八年三月武甯雨雹壞民舍五十九年四月黃州雨雹大如盆人畜多擊斃十二日江山大雨雹嘉慶元年正月平谷大雨雹形如雞卵四月邢台雨雹大者如斗二年六月中部雨雹大如卵小如杏傷人畜枝江雨雹大如雞卵鳥獸擊傷十二月雲和冰雹大如斗屋瓦皆碎三年四月宜城雨雹大如雞卵四年四月襄陽大雨雹五年四月白河縣雨雹大如雞卵深尺餘五月滕縣雨雹大如碌磳七月延安大雨雹屋瓦皆碎秋禾無存六年五月博興大雨雹壞官民廳舍十年八月中部雨雹大如卵積地五寸十一年灤州大雨雹平地積尺許十二年二月貴陽雨雹大如馬蹄四月圻水大雨雹如盃者盈尺有大如碌磳者八月武强大雨雹有如鵝卵者屋瓦皆碎禾葉盡脫邢台雨雹十三年春武强大雨雹十四年四月薊州雨雹傷麥襄陽大雨雹荊門州大雨



雹六月南樂雨雹大如雞卵十五年三月宜都雨雹傷麥八月章邱雨雹東光  
雨雹十六年三月枝江大雨雹十七年三月宜都雨雹禾盡傷秋博野雨雹成  
災二十一年四月棲霞雨雹傷麥定遠廳大雨雹鳥獸多斃二十二年五月滕  
縣雨雹平地深半尺禾黍盡傷二十三年五月蘇州大雨雹湖州大雨雹道光  
四年五月日照大雨雹傷禾十月曲陽大雨雹盈尺五年四月八日羅田雨雹  
損麥豆無數蘇州雨雹五月皋蘭大雨雹八月初九復雨雹六年四月十七雲  
夢雨雹大如拳七年十二月宣平雨雹折樹碎瓦十三年五月癸未臨朐雨雹  
大如馬首秋博野等十三州縣雨雹十月二十四日宜城雨雹十四年四月三  
日三原雨雹傷禾初六諸城南雹傷麥十六年二月十六日湖州大雨雹四月  
二日光化大雨雹十七年七月十三日酉亥平谷大雨雹如雞卵秋禾盡平屋  
瓦皆碎十八年五月通渭大雨雹七月十八日酉澧州雨雹大如卵秋禾盡損  
十九年三月元氏雨雹厚尺許二十年四月黃安大雨雹傷稼七月二十六日  
隨州大雨雹傷稼二十一年八月陵縣大雨雹九月又雨雹二十三年五月二

十二日孝義廳大雨雹狀如磚有重數十觔者人畜觸之即斃七月十二日雲和雨雹大如斗屋瓦皆碎損傷人畜甚多二十五日安定雨雹大如雞卵山嶺有徑尺者數日不化二十六日隨州大雨雹禾稼多傷二十五年正月崇陽大雨雹四月安邱大雨雹損麥三日不消二十七年春龍川大雨雹夏黃岩大雨雹二十九年四月應山雨雹大如拳鳥雀多擊死六月興山大雨雹傷稼七月西甯大雨雹三十年三月黃岡雨雹大如瓜小如彈丸壞稼傷人咸豐元年三月甲子大雨雹傷人畜壞屋宇懷來大雨雹五月丙午東光大雨雹屋瓦皆毀傷人畜三年三月崇仁雨雹大者如盈小者如拳屋瓦盡毀四年四月黃安雨雹重十餘觔損麥九年七月黃岡雨雹大如卵十年七月羅田大雨雹傷禾無數麻城雨雹大如雞卵擊斃牛馬黃安大雨雹樹俱折十一年十一月麻城羅田宜都雨雹大如雞卵傷禾稼損屋舍同治元年六月東湖大雨雹擊斃牛馬無算六月狄道州雨雹大如雞卵禾蔬盡傷二年五月元氏雨雹大如拳禾稼盡田廬俱損六月孝感雨雹大如雞卵四年正月十三日日照大雨雹傷禽獸

武昌黃宜都雨雹大如雞卵二月青田大雨雹損麥四月均州雨雹大如雞卵  
破屋折樹五月房縣大雨雹數百里禾稼盡傷五年正月均州大雨雹積地深  
數尺四月隨州江陵大雨雹損麥五月通渭泰安大雨雹傷牛馬六年七月懷  
來青縣大雨雹秋禾損九月十六日高淳雨雹大如拳損屋舍七年三月十八  
日黃安江夏大雨雹鳥獸多擊死八年五月十一日睢城雨雹平地深尺許大  
如鵝卵八月十三日灤州大雨雹闊十五里九月泰安大雨雹九年三月十四  
日潛江雨雹大如雞卵五月二十三日階州大雷雹雨雹如注十年二月青田  
大雨雹四月上饒大雨雹五月二十二日階州白馬關大雨雹平地水深數尺  
淹斃二百餘人十一年二月新城大雨雹三月十一日嘉興大雨雹柏鄉大雨  
雹重者十七觔湖州大雨雹景甯雨雹大如盈青田尤甚十三年三月黃岡雨  
雹大如升數十里麥盡損四月乙未青浦雨雹有重至十餘觔者光緒元年四  
月二十二日邢台南雨雹大如核桃積地二寸許二年四月惠民大雨雹鳥雀多  
擊死三年四月十五日沔縣雨雹大如雞卵六年夏均州雨雹大如雞卵八年

四月十一日均州雨雹大如鵝卵袤百餘里廣十餘里二十五日復雨雹災尤重八月皋蘭雨雹大如雞卵九年七月初四日山丹雨雹大如雞卵九月初二日孝義廳雨雹大如雞卵十年五月二十五日興山大雨雹傷稼八月灤州大雨雹十二年五月二十日莊浪大雨雹無極大雨雹十四年六月十三日新樂大雨雹三十村禾盡損十五年五月化平廳雨雹如蛙形傷禾稼十九年五月狄道州雨雹大如碗二十二年九月南樂大冰雹二十四年四月二十四日涇州雨雹大如雞卵五月河州大風雨雹平地水深三尺二十五年五月初五日海城雨雹大如雞卵擊死牛羊一千有餘二十六年八月南樂大雷雨雹三十年七月山丹大雨雹傷禾三十一一年七月二十四日洮州雨雹大如雞卵傷禾順治二年正月初一日上元大雪雷雨三年五月初一日齊河雷火焚孔子廟夏陽城大雷人有震死者十二月初二日吳川雷鳴岑溪大雷雨五年十月揭揚大雷雨霹靂六年正月十一日潞安雨雪雷電五月初九日石門大雷雨安邱雷擊二人十一月二十五日鎮洋大雷電七年正月二十七日震澤大雷電

八月河源雷震大成殿冬至後二日解州雷鳴十二月除夕上元大雪雷電九月涇陽雷震十月朔雷江陰雷蕭縣雷十二月二十八日膠州雷除夕崑山雷臨邑雷震九年正月朔黃陂雷震大雪蕪水震雷大雪應山大雷電二月二十六日石門雷震死三人十月十五日杭州大雷電十六日揭陽雷大震十一月十四日上海大雷凡震三次青浦雷十二年九月震澤雷電大雨十月二十五日香山雷鳴二十七二十八日復鳴十二月十三日遂安雷震柏山庵十三年二月二十九日鍾祥震雷十月安邱雷震大雨十四年正月十四日遼州雷電大震十一月十一日永安州大雷電十八日杭州大雷電銅陵雷三十日咸寧大雪雷電十五年十一月咸陽大雪雷鳴十六年十二月高淳大雷十七年十一月鶴山大雨雷電十八年正月十七日陽信海豐大雷康熙元年二月鶴慶雷鳴三年正月通州迅雷達旦望江雷擊南城樓五年十二月封州雷鳴六年正南樂迅雷十二月開平大雷雨鳳凰洲雷鳴揭陽雷澄海雷鳴欽州雷電七年八月平遠州雷擊右營守備署八年二月十四夜思州雷火起大成殿北角

十一月西充大雷電十二月黃岩大雷九年正月烏城大雷電十二月蘇州雷  
電七月東陽大風雨雷電十二年正月初六日富陽大雷電十月十四日貴州  
雷東流大雨十月婺源雷震儒學櫺星十二月雷震孔子廟鼓門十三年正月  
蘇州雷清浦雷嘉定震雷自四鼓達旦十二月除夕桐鄉雷電交作十六年正  
月初一日湖州雷震大雪十七年正月巢縣雷十八年正月朔蘇州震雷浦縣  
雷十九年正月朔蘇州雷二十年正月宿州雷雨雹二十一年正月宿松雷電  
二十二年正月解州雷電石門雷電二十三年正月丹陽雷電雨雪含山大雷  
電兗州雷震二十四年正月十七日巢縣雷二十五年十一月信宜雷鳴二十  
八年正月浦縣雷電十一月初九日義烏大雷電十二月十六日巢縣大雷三  
十一年正月武進雷電三十三年正月初十日巢縣雷十二日瓊州雷鳴十四  
夜半萊大雷電十二月青浦雷電大雨三十四年正月初一日瓊州雷三十六  
年正月初一日崑山雷青浦雷三十七年十二月除夕開平雷鳴三十八年十  
二月初三日吳川雷大震次日又震三十九年正月解州雷四十二年十二月

湖州雷四十三年正月二十日蘇州雷鳴十一月二十八日欽州雷鳴揭陽雷  
鳴十二月澄陽雷鳴普宜雷鳴四十五年正月巢縣大雷四十九年正月初七  
日香山雷鳴十一月二十一日景寧雷鳴五十年十一月大埔雷十二月陽春  
雷鳴除夕平樂雷電霹靂驟雨達旦五十三年十二月涇州大雷電福山大雷  
電湖州雷鳴五十四年正月朔大埔雷鳴十一月阜陽雷鳴五十五年十月通  
州雷十一月銅陵雷震五十六年正月湖州雷十月二十五日香山雷鳴五十  
九年七月南籠大雷雨九月通渭縣暴雷震死一人六十年十一月潮陽雷鳴  
岑溪雷鳴六十一年十一月順德大雷廣寧雷電十二月欽州雷電大作風雨  
暴至吹塌城垣二十餘丈陽春大雷雨揭陽雷鳴澄海雷鳴雍正十二年二  
月初八日蒲圻大雷電十月揭陽雷鳴乾隆元年三月邢台雷震府學奎星樓海  
陽震雷霹靂二年十一月贛縣大雷電十二月二十五日普寧雷鳴九年二月  
十一日崑山雷擊馬鞍山浮圖末級十月十五日岐山雷電風雨十年四月十  
五日橫州雷擊大成殿西柱十二年四月二十五日順潭村狂風迅雷大作樹

木盡拔倒屋二千餘間壓斃三十餘人十月朔膠州雷十三年十二月初八日  
上海大雷十四年十二月信豐大雷電雨雹畢節大雷電十六年十月平度海  
鹽震雷十七年五月十一日長子大風雷十一月二十七日揭揚雷鳴十八年  
十二月宣都大風雨雷電二十年正月贛榆大雷電雨雪二十二年除夕龍川  
雷鳴二十四年十一月十一日荊門州大雷二十八年十月初四日武進大雨  
雷電三十五年十二月嘉善雷電三十六年十二月戊寅蘇州大雷電湖州雷  
電三十九年十月陽湖大雷四十年十一月初六日房縣大雷電四十六年十  
二月十二日桐鄉雷電五十五年十二月二十四日黃岩大雷雨蘇州大雷電  
除夕雲夢大雪大雷五十七年十二月乙巳南陵雷電交作五十九年十二月  
江山大雷電嘉慶六年正月陽湖雷七年正月十七日東光雷電十年十一月  
滕縣大雪聞雷十九年十二月滕縣雨雪聞雷二十年二月湖州雷電大雪二  
十三年二月金華雷電道光三年正月十四日湖州雷二月十五日監利大雷  
五年冬至後一日章邱雷七年十二月湖州大雪雪十二月崇陽大雨雷電十



二年十二月麗水雷電大雪十三年十二月宜城雷電雨雹十八年十月太平  
大雷十一月二十九日雲夢大雷十二月除夕湖州大雷電青浦大雷電隨州  
大雷十九年正月湖州大雷棗陽雷鳴雲夢雷鳴十二月文登大雷除夕靖遠  
雷電大雨二十年正月十六日武定大雷震二十一年正月三十日定遠雨雪  
雷鳴二十二年冬至夜滕縣雷鳴二十三年十月應城雷電二十四年十月崇  
陽雷十二月鄱陽大雨雷電麗水雷電即墨雷電二十五年正月崇陽大雷電  
七月榆林雷震二十六年五月二十五日滕縣雷火焚城南樓貴陽雷二十七  
年冬武昌雷震黃岡大雷二十九年六月武昌雷震咸豐二年八月崇陽雷鳴  
四年正月十三日平鄉雨雪雷鳴十月初六日應山雷八年十一月二十三日  
南安雷震十一年十月初一日東光雷電十一月十二日夜宜都大雷同治元  
年冬方山雷震北峰塔二年正月初十日定遠廳雷鳴三年正月青浦雷四年  
正月十三日平鄉雨雪雷鳴震教堂東光大雨雪雷電永嘉大雷電太平雪中  
聞雷武昌震雷黃岡震雷隨州雷電麻城震雷棗陽大雨迅雷陵縣大雷電日

照大雷電房縣雷曹縣大雷電荷澤大雷電五年正月初八日均州雷電鄖縣  
大雷電房縣雷十四日孝義廳大雪雷電十一年十一月臨榆大雨雷震光緒  
元年八月甲戌青浦雷震南門塔五年十一月十五日京山大雷雨安陸大雷  
電夜蘄水雷電四次八年八月二十八日玉田大雷自二更徹夜十一年十月  
二十日東光聞雷十二年十一月二十八九兩夜德安大雷十三年正月德安  
大雷而雨

順治八年二月柴胡塞出大魚長十丈餘形似海豬康熙元年正月朔台州見  
二巨魚鬥於江內三日其一死肉重四百餘觔三年三月萊陽羊圈口潮上巨  
魚長六丈餘聲如雷旋死五年三月三日綏德州天雨魚十一年海康鯨魚入  
港長五丈闊二丈以千人拽之岸十五年十二月海鹽有大魚長十丈餘形如  
車輪頭似馬首二十一年六月綦江縣雨魚二十二年四月海寧濱有魚長二  
十餘丈無鱗有白毛土人呼之爲海象二十六年四月文縣雨魚三十四年七  
月嘉定有二巨魚鬥於海聲如雷其一死者虎首人身長丈餘腥聞數里四十

二年八月青浦龍安橋下有二大魚上游形如船旁有小魚無數四十七年二月初台州有巨魚至中津橋向人朝拜十二日隨潮而逝乾隆五年黃縣海出大魚六丈其骨專車四十三年涪州彈子溪巨魚見長約丈餘相傳歲歉則上是歲果大荒二十六年三月二十三日平湖海濱來一大魚其聲如牛長六丈七尺徑一丈四尺咸豐四年五月黃岩有巨魚數十入內港色黃如牛大者重五六觔六年六月平湖金門山一魚死海濱取得一齒形如鈎重十三觔十一年平湖鯉魚數十頭從空飛過

順治三年七月延安蝗安定蝗潞城蝗蔽天而來元氏蝗初蝗未來時先有大鳥類鶴蔽空而來各吐蝗數升渾源州蝗九月洪洞蝗宣鄉蝗四年三月元氏無極邢台內邱保定蝗六月益都定陶旱蝗介休蝗山陽商州雹蝗七月太谷祁縣徐溝崑崙蝗靜樂飛蝗蔽天食禾殆盡定襄蝗墜地尺許吉州武鄉陵州遼州大同蝗廣靈潞安蝗長治飛蝗蔽天集樹折枝靈石飛蝗蔽天殺稼殆盡八月寶雞蝗延安蝗榆林蝗涇州莊浪等處蝗九月交河蝗落地積尺許五年

五月衡水蝗六年三月陽曲蝗孟縣蝗五月陽信蝗害稼六月德州棠邑博興  
蝗七年七月太平苛嵐蝗介休寧蝗十年十一月文安府谷蝗十三年正月徐  
海蝗三月玉田大旱蝗五月定陶大旱蝗七月昌平密雲新樂臨榆蝗灤河蝗  
東平蝗冬昌黎大雨蝗十五年三月邢台交河清河大旱蝗害稼康熙四年四  
月東平正定日照大旱蝗五年五月蕭縣蝗任縣飛蝗自東來蔽日傷禾日照  
江浦大旱蝗六年六月杭州大旱蝗靈壽高邑大旱蝗害稼八月東明灤州靈  
壽蝗八年八月海寧飛蝗蔽天而至食稼殆盡九年七月陽大旱蝗食稼殆盡  
麗水桐鄉江山常山大旱蝗六月寧海天台仙居大旱蝗定陶大旱蝗虹縣鳳  
陽巢縣合肥漂水大旱蝗七月全椒含山六安州吳山大旱蝗濟南府屬旱蝗  
害稼麗水蝗桐鄉海鹽淳安大旱蝗元城龍門武邑蝗十一年二月武定陽信  
蝗害稼三月獻縣交河蝗五月平度益都飛蝗蔽天行唐南宮冀州蝗六月長  
治鄒縣邢台東安文安廣平蝗定州東平南樂蝗七月黎城芮城蝗昌邑蝗飛  
蔽天莘縣臨清解州冠縣沂水日照陶濇澤蝗十六年三月來安蝗三河內邱

蝗十八年正月蘇州飛蝗蔽天夏全椒蝗七月寧津撫寧五河含山蝗二十一年信陽莒州蝗二十三年四月東安蝗永年蝗二十五年春章邱德平蝗六月平定無極饒陽井陘蝗二十六年東明棗城蝗二十九年五月臨邑東昌章邱蝗七月平陸武清蝗三十年五月登州府屬蝗六月浮山翼城岳陽蝗萬泉飛蝗蔽天沁州高平落地積五寸乾州飛蝗蔽天寧津鄒平蒲台莒州飛蝗蔽天七月昌邑濰縣正定盧龍平度曲沃臨汾襄陽蝗平陽猗氏安邑河津蒲縣稷山絳縣垣曲中部鄉寧撫寧等縣蝗三十一年春洪洞臨汾襄陵河津夏浮蝗三十三年五月高苑樂蝗甯陽蝗三十六年文安元氏蝗三十八年遵化州晉州盧龍撫寧蝗三十九年秋祁州盧龍撫寧蝗四十三年武定濱州蝗四十四年九月密雲盧龍新樂保安州蝗四十六年邢台肅甯平鄉蝗四十八年秋昌邑盧龍昌黎蝗五十年夏莘縣鄒縣廬州蝗五十三年秋沛縣合肥廬江舒城無爲巢縣蝗五十七年二月江浦天鎮蝗五十九年膠州掖縣蝗雍正元年四月銅陵無爲蝗樂安臨朐大旱蝗江浦高淳旱蝗棲霞臨朐蝗三年冬海陽普

宣蝗十三年九月東光獲鹿蒲台蝗乾隆三年六月震澤日照旱蝗四年六月東平甯津蝗五年八月三河飛蝗來境抱禾稼而斃不爲災九年七月阜陽亳州睢縣滋陽甯陽魚台蝗獻縣景州蝗十三年夏蘭州鄯城費縣沂水蒙陰旱諸城福山棲霞文登榮成蝗高密棲霞尤甚平地湧出道路皆滿十五年夏掖縣飛蝗蔽天十六年六月諸城交河祁州蝗河間蝗有鳥數千自西南來盡食之十七年四月柏鄉雞澤元氏東明祁州蝗七月東阿樂陵惠民商河張陽范縣定陶東昌蝗十八年秋永年臨榆樂亭蝗二十年六月蘇州大雨蝗二十三年夏德平泰安蝗有羣鳥食之不爲災二十四年夏高郵大旱蝗集數寸二十八年三月臨邑靜海灤州文安霸州蒲台飛蝗七日不絕二十九年夏吳川大旱蝗損禾東昌安邱蝗三十年三月黃安甯陽滋陽蝗三十三年七月武清慶雲蝗三十七年二月景甯飛蝗蔽天大可駢三尺淄川新城蝗鳳陽旱蝗三十九年二月安邱壽光沂水蝗八月文登蝗四十二年三月黃安南陵旱蝗九月武昌蝗江夏縣潛江大旱蝗四十九年冬濟南大旱蝗五十年六月日照縣大

早飛蝗蔽天食稼蘇州湖州泰州大旱蝗五十一年五月七月房縣宜城棗陽陽春旱蝗羅田麻城大旱蝗五十二年四月初二日麻城蝗積地寸許七月黃岡宜都麻城羅田荊門州蝗五十三年六月平度縣大旱飛蝗蔽天田禾俱盡五十六年六月甯津東光大旱飛蝗蔽天田禾俱盡五十七年五月武城黃縣高唐旱蝗五十八年春歷城旱蝗有蟲如蠶附放蝗背蝗立斃不成災七月安邱章邱臨邑德平蝗嘉慶七年蓬萊莘縣高唐鄒平諸城即墨文登招遠黃縣蝗十年春博興昌邑諸城蝗臨榆蚰生夏滕縣飛蝗蔽天食草皆盡秋昌邑蝗食稼甯海蝗十九年荷澤曹縣博興蝗道光三年莘縣撫甯蝗四年東平清苑望都定州蝗五年七月清苑定州飛蝗蔽天三日乃止內邱新樂曲陽長清冠縣博興旱蝗六年二月濰州撫甯蝗十四年五月潛江棗陽旱蝗雲夢旱蝗十五年春黃安黃岡羅田江陵公安石首松滋大旱蝗五月均州光化蝗七月濱州觀城鉅野博興穀城應城蝗八月安陸玉山武昌咸寧崇陽蝗黃陂漢陽大旱蝗十六年夏定遠蝗紫陽蝗宜都黃岡隨州鍾祥旱蝗七月穀城鄖縣鄖西

蝗十七年春應城蝗蝻五月鄖縣旱蝗秋復旱蝗十八年夏鄖縣蝗應山大旱  
蝗博興旱蝗八月東光蝗不爲災十九年九月應山蝗二十三年三月鄖西旱  
蝗二十五年七月光化麻城蝗二十七年夏應城蝻生元氏旱霑化蝗十月臨  
邑蝗咸豐四年六月唐山灤州固安武清蝗五年四月靜海新樂蝗六年三月  
青縣曲陽蝗六月靜海光化江陵旱蝗宜昌飛蝗蔽天松滋蝗八月昌平蝗邢  
台蝗香河順義武邑唐山蝗七年春昌平唐山望都樂亭平鄉蝗平谷蝻生春  
無麥青縣蝻好生撫甯曲陽元氏清苑無極大旱蝗邢台有小蝗名曰蠕食五  
穀莖俱盡武昌飛蝗蔽天棗陽房縣鄖西枝江松滋旱蝗宜都有蝗長三寸餘  
秋咸寧漢陽宜昌歸州松滋江陵枝江宜都黃安蘄水黃岡隨州蝗應山蝗落  
地厚尺許未傷禾鍾祥飛蝗蔽天亘數十里潛江蝗八年三月撫甯元氏蝗蝻  
生六月均州宜城蝗害稼應城飛蝗蔽天房縣保康黃岩蝗害稼秋清苑望都  
蠡縣歸州蝻好生十月黃陂漢陽蝗十一月宜都松滋蝗十年六月棗陽房縣  
蝗光緒三年夏昌平武清灤州高淳安化旱蝗秋海鹽柏鄉蝗四年九月靈州



蝗七年六月武清蝗七月臨朐蝗八年春玉田蝻生九年夏邢台蝗十七年三月甯津旱蝗傷三十三年五月山丹蝗

順治五年杭州民家豬生三耳八足蒙陰縣民家豬產象旋卒九年八月香山寺前豬生二人頭隻眼頭上一角人身豬足無毛康熙元年八月天門民家豬生一豕一身二首八蹄二尾十二年九月揭陽民家豬產麒麟十八年二月棲霞民家豬生異獸旋斃五十一年深澤縣民家豕生子大物大倍別子色白無毛二目駢生頂上雍正五年博山民家豬產象長鼻白色嘉慶十年樂清民豕生象十八年黃山石民豕生象同治三年新閩民家豕生象未幾即斃光緒元年豕生象色灰白無毛十三年皋蘭民家豕生一象

順治六年十一月儀徵有四龍見于西南十一年涑水縣興雲寺梁上有蛇身具五彩十日後變爲白色六月十五日狂風驟雨霹靂不絕殿中若有龍鬥及辨蛇乃不見康熙元年七月二十九日嘉興二龍起海中赤龍在前青龍在後鱗甲發火過紫家埭倒屋百餘間傷一人九月初九夜半火龍見二年四月十

六日山家明龍見三台東南出一蛇長數丈腰圍約三尺身有鱗甲赤光三年五月二十一日京山龍見鱗甲俱現七月朔鎮洋大風海溢有龍下廩場傷數人八月初四日天晴無雲黃龍見于東南七年七月咸甯有龍遊于縣署前雨霽不能升躍市人擊其頸以游於市十二年六月深澤馬鋪民家龍起大風雨破壁而去十二月十八日丹陽見兩龍懸空移時始去十三年夏永嘉龍見萬載大水龍出十七年六月咸甯大墓山有龍突現頭角三日鱗甲晃如赤金白晝飛騰穿山爲河傷民畜十八年十月十五日鎮洋龍見于東南二十一年十月青浦興化龍見二十六年六月黃縣龍晝見于朱家村煙霧迷濛火光飛起三十六年三月畢節龍見赤水河四十年八月獨山川南羊角村有龍見四十一年六月初九日鰲泉有白龍躍于平地飛去四十五年五月初六日金山之巖有龍出金光閃爍四十七年靈州井中有龍時見其首尾數日忽大雨霹靂騰空而去六十年六月金壇學宮前懸一龍腥氣逆鼻焚香禱之騰空而去七月十三日南籠大雷雨龍見于城西雍正二年七月北流飛龍見十二月木門

海子起煙霧有蛟龍飛出之狀五月橫州有龍起七年春安定文華塔見一龍騰空而去九年四月安南有龍見于東北六月青浦龍見于沙灘乾隆二年二月潮陽白龍見三年正月枝江龍見于城西九月青浦龍門於泖自西南至東北入海五年五月高郵大風有白龍舞空中鱗甲俱現六年六月十三日崑山東鄉設網村有白龍捲去民房十七家二十五日席家潭有白龍捲去周家莊大舟并二人墜巴城鎮三里岸渚復捲去鎮民盛某擲地身無恙九年六月十二日浮山有龍飛入民間樓舍須臾煙起樓盡焚七月壬辰建天頓黑有白龍尾垂二丈餘十二年八月高州龍見于小華山十四年七月初五日高淳龍起於永豐圩下首尾鱗甲俱現十五年七月正甯秦家店有龍破屋而升俄大雷雨十九年秋濟南巨治河有龍門二十年五月二十日澄海狂風驟雨有雙龍自東而來由蓬州所東門經過冲倒城垣五十七丈民房三百餘間有壓斃者二十一年六月招收龍井地方有龍自空冉冉而下二十六年五月二十七日葭州赤龍見于張體兩川園中六月初七日高平火龍見于石末村七月十四

日泰安蛟起夏輝村西河高二丈彩色灼爛橫飛東南風雲隨之二十九年四月十三日天門烏龍見頭角爪甲俱現四十三年三月安邱龍見四十六年八月十二日莒州羣龍見于吳山東北五十五年五月定海龍起漂沒田廬淹斃人口越三日龍斬三段尾不見其鱗巨如葵扇五十六年六月莒州赤龍見于龍王峪先大後小長數丈所過草木如焚六十年春青浦有白龍自東至金澤鎮南去地祇三四尺所過屋瓦皆飛嘉慶六年東湖修孔子廟見白龍乘風飛去九年曲陽濟瀆河水暴發見龍車數乘涉水而沒水退十四年五月有龍戲于瑞州城隍廟江均河水立丈餘二十年六月黃岡柳子巷蛟起傷一百四十餘人衝沒田宅無算二十一年六月蛟見于嬰武水道光四年七月麻城龍見于月望岩五年七月甲辰武進龍見于芙蓉湖六年六月初五日宜都蛟起壞民居溺人無算七年五月初十日房縣汪家河水溢蛟起壞民田無算九年十一月二十二日滕縣見青龍長約數十丈鱗甲俱現十年六月松滋城原寺出龍過洋州上升七月十二日永嘉起蛟裂山而出漂沒田廬淹斃人畜無算

十六年七月甲申武進有龍陷地成潭二十八年五月監利龍見于洪湖七月二十三日太平五龍同見空中是夜颶風大作咸豐二年五月十七日枝江天無片雲有白龍降于瓦窑湖蜿蜒行數里忽騰去三年七月初七日西鄉白龍見長數十丈七月十五日黃陂龍見于聶口鱗甲宛然擁船隻什物於空中十一月西甯西納川降孽龍臭聞數里五年七月二十三日石首風雷大作頃之二龍接尾而上六年五月鄱縣兩頭蛇見七年五月初八日來鳳縣曾氏塋風雨驟至有物長丈餘乘風入塘形似牛身備五色目灼灼有光水噴起八年六月十七日雲夢有龍入城壞廬舍無數繞城東北去十年三月麻城龍見五月松滋天鵝塘出龍行陸地所過禾稼盡偃十一年冬平湖有二龍鬥于海同治三年蘇州有龍鬥四年正月宜城龍見于芳草州六年五月初五日高淳見三龍十年三月二十二日湖州有龍鬥狂風驟雨拔木覆舟五月十二日高淳龍見七月底城有蛟起于井中光緒十九年正月靈台龍見于井中二十一年十月大通龍見于惠廣寺

順治十年四月吳川有山馬二一渡石壑一自城東南角入康熙三年七月畢節民家馬生駒五足五年六月孝豐有馬見于魚池鄉之安市毛鬃如凡馬背有肉鞍往來田間月餘不知所終十五年五月南樂生員趙豪馬生雙駒一牝一牡二十六年平遠州民家馬產雙駒雍正八年二月江津縣民家馬產雙駒乾隆二十一年夏豐順湯坑寨有白馬成隊夜出食禾驅之不見道光二十九年二月定州中谷村民家白馬產二青騾同治元年西甯鎮海營騾馬同胎而生順治八年歙縣民吳全妻呂氏一產四男康熙元年萊陽民徐維平妻生男四目四手四足十一年晉州民郭好剛妻馮氏一產四男十三年東陽民某姓兄弟其婦俱孕及產一產鮎魚魚頭蛇身一產獼猴手爪俱備十六年節畢民彭萬春女七歲出痘及愈變爲男十七年春清河民家生子無首兩目在乳口在臍殆形天類歟二十五年五月忠州民雷氏女化爲男後爲僧三十二年德州民王邦彥妻一產四男三十四年長治民張自富妻王氏一產三男三十七年保安州民岳成妻李氏一產三男三十八年潞城民常通妻一產三男三十

九年湖州陸氏婦產一男兩首四臂四十一年西寧縣賈文舉妻一產四男四十四年夏石首縣民張若芝妻一產三男四十六年吳縣民譚某家女子化爲丈夫五十三年廣元民婦產二蛇無恙萊陽縣民高萬言妻一產四男五十四年六月東平州民孫子芳妻一產三男五十六年東流民檀上元妻洪氏一產三男穎上民張某妻一產三男五十七年信陽州民邢序妻一產三男五十八年興化縣民趙自顯妻一產三男趙城民賈則宜妻一產三男五十九年邯鄲民王某妻一產三男六十一年鉅野縣民史徧妻一產三男雍正元年鄆縣民某妻一產三男青州民李福奎妻一產二男一女高密民劉巨卿妻一產三男巢縣民馬少步妻龐氏一產三男二年秋南陵民毛起美妻一產三男汾陽民賈三聘妻一產三男簡州民王之佐妻一產三男三年二月齊河民甄養武妻一產三男潞城民秦述賢妻郭氏一產三男襄垣民郝世惠妻武氏一產三男陽城民張國澤妻劉氏一產三男四年陶縣民徐來振妻一產三男襄陵縣民栗星奇妻一產三男五年東河縣民劉虎妻一產三男陽城民李珍妻一產三

男六年定與縣民任萬通妻榆次民劉志龍妻俱一產三男東山村民家產婦  
生魚亭山縣民田禹妻一產三男七年錢塘縣民邵學桂妻吳氏天台縣民褚  
伯賢妻劉氏蕭山縣民高耀妻俱一產三男新建縣民周義士妻夏氏一產三  
男彭澤縣民羅翰聲妻宋氏一產三男合肥民龔紹衣妻陳氏一產三男安邑  
縣民馮維明妻薛氏一產三男施縣民王進祿妻崔氏一產三男八年商縣民  
係作聖妻一產三男黃縣民高從義妻一產三男錢塘縣民楊大成妻嚴氏遂  
安縣民洪文錫妻毛氏俱一產三男壺關民某妻李氏一產四男崇陽縣民孫  
文林妻王氏一產三男興安民龔章純妻一產三男臨海縣民項如茂妻林氏  
鎮海縣民陳道才妻應氏俱一產三男十年洪洞縣民許元生妻鄭氏一產三  
男趙玉錫妻章氏一產三男介休民燕居字妻武氏一產三男陵川民秦遇妻  
一產三男邠縣杜某婦一產三男永嘉縣民李天錫妻林氏一產三男浮梁縣  
民魏經武妻李氏一產三男房縣民吳士貴妻一產三男十一年冀州民白起  
妻薛氏一產三男遂安縣民姜自周妻胡氏一產三男十二年春齊河民劉鈞



妻官氏新城民趙允中妻俱一產三男六月潛山民汪祝三妻一產三男開化縣民畢懋增妻一產三男十三年四月濠州民張德福妻一產三男九月濠州民胡在梁妻一產三男臨海縣民榮宗棟妻奚氏一產三男南昌縣民朱中祿妻曹氏一產三男乾隆元年武強民楊守有妻蔡氏一產三男定遠縣民羅旌友妻楊氏一產三男二年二月平湖監生徐士穀妻張氏一產三男九月景州民張自立妻王氏一產三男靜海民婁蒙貴妻某氏一產三男十一月石城縣民董永瑁妻李氏一產三男三年六月甘泉民蔣國泰妻蘇氏一產三男八月秀水縣民葛漢文妻徐氏一產三男營山縣民周銘妻文氏一產三男十一月濠州民李廷璽妻一產三男景州民張世勳妻劉氏一產三男一女四年四月岳池縣民荀稀聖妻李氏一產三男婁縣民何效章妻陸氏一產三男六月稷山民張桂妻劉氏一產三男五年三月潛山縣民馮某妻一產三男五月無爲生員魏海元子婦一產三男潞澤營兵丁謝金成妻魏氏一產三男八年五月稷山民趙傑妻一產三男九年五月大埔民羅淑鄧之妻李氏一產三男十年

銅山民劉瑞發妻韓氏一產三男夏名魁妻劉氏一產三男貴池民吳來盛妻  
葉氏一產三男十一年大埔縣民危肇彬妻詹氏一產三男貴陽民劉允福妻  
喻氏一產三男十四年無極縣民袁文孝妻焦氏一胎產四子兩男兩女皆活  
十五年監利縣民何名周妻黃氏一產三男十六年南昌縣民徐仲先妻萬氏  
一產三男孟縣民田世隆妻石氏一產三男十七年四月寧河民劉守秀妻趙  
氏一產三男十八年平利監縣民張寧妻呂氏一產三男十九年濟陽民賈含  
福妻谷氏一產三男二十年深澤民蘇勇妻宋氏劉邦林妻閻氏俱一產三男  
溧州民高宗義妻一產三男二十一年五月定州民張照妻徐氏一產三男濟  
寧州民王盡忠妻一產三男營山縣民魏國平妻陳氏一產三男二十二年資  
陽縣生員宋如衡妻蘇氏一產三男浦江縣民葛有聖妻徐氏一產三男二十  
三年八月初五日兵丁劉任妻黃氏產一男越日產一女午刻又產一男二十  
五年陵川諸生馬伯順妻一產三男南豐縣民鄧君奇妻朱氏安義縣民熊壁  
湘妻彭氏俱一產三男雲夢民冷少松妻許氏一產三男二十六年七月鳳台

縣民陳全妻一產三男武昌縣民劉陞妻一產三男二十七年鄒縣民田成妻一產三男二十八年三月武進縣民巢雲五妻一產三男二十九年武城縣民劉成妻高氏一產三男即墨縣民高岱妻王氏一產三男平陸縣民高懷妻一產三男清水縣民喬國祥妻王氏一產三男三十年臨清州民楊維桐妻一產三男三十一年新城民朱振連妻一產三男臨清州劉德員妻一產三男樂至縣民羅景璋妻周氏一產三男三十二年五月府谷縣民王友妻一產三男六月臨縣民李映實妻一產三男十月德州民陳三妻一產三男三十四年寧河于邦朝妻蘇氏一產三男黃縣民王偲妻高氏一產三男三十五年武昌縣徐定貴妻一產二男二女三十八年高平縣民張萬全妻李氏一產三男三十九年二月諸城縣民郭榮妻一產三男四十年南昌縣民李菁妻梁氏一產三男樂平縣民王彩珍妻廖氏一產三男四十一年六月龍里縣民家生子目中有臂三寸許青陽民曹正送妻董氏一產三男四十二年貴池民孫全愷妻謝氏一產三男四十三年九月德州民趙楷妻崔氏一產三男陵川民李珏妻王氏

一產三男洵陽寄籍楚民張希賢妻雷氏一產三男四十四年昭化縣民王宰  
仕妻張氏一產三男此婦四孕每產必三亦異婦也光化縣民許文思妻柯氏  
一產三男四十六年高郵縣民于志學妻管氏一產三男梓潼縣民羅全義妻  
楊氏一產三男四十七年甯州民彭國治妻葉氏一產三男四十八年茂州民  
文廷柱妻一產三男四十九年十一月新建縣民黎獻文妻熊氏一產三男五  
十年太平縣民傅學妻羅氏一產三男五十二年二月房縣民張大業妻一產  
三男京山縣民李羣來妻一產三男五十三年廣州民廖伯萬妻朱氏一產三  
男五十四年三月瑞昌縣民周全萬妻陳氏一產三男昭化縣民張應輝妻劉  
氏一產三男宜賓縣民萬方麟妻陳氏一產三男簡州民藍學榮妻王氏一產  
三男萬州民劉翰閣妻一產三男五十七年五月高郵縣民閔立禮妻李氏一  
產三男五十八年貴陽女子莫二陽化爲男子石首縣民譚盛治妻一產三男  
陽信縣民王學皆妻張氏一產三男五十九年天全州民劉祥遠妻熊氏一產  
三男六十年沂水縣民趙有佐妻王氏一產三男嘉慶二年莘陽縣民楊國玉

妻簡氏一產三男分宜縣民羅大成妻藍氏一產三男鄒平民樊梅清妻一產  
三男諸城縣民王立妻一產三男四年七月博興縣民張維慶妻一產三男溪  
陽縣民吳正彩妻劉氏一產三男十二月定州民薛際昌妻趙氏一產三男五  
年正月隨州民聶中妻一產三男六年營山縣龍宣江妻郭氏廣元縣民董在  
義妻俱一產三男長樂縣民張茂榮妻劉氏一產三男竹山男子李大鳳化爲  
女棲霞邱家村王氏婦化爲男子八年三月臨淄縣民王氏婦一產四男新城  
民岳景妻一產三男十年三月日照縣民張延妻徐氏一產三男十二年二月  
諸城縣民王授堯妻曲氏一產三男三月東阿縣民蔡光輝妻金氏一產三男  
東鄉縣民黎鳳蘭妻趙氏一產三男十三年五月留壩縣民廉永鉗陳氏一產  
三男應城縣民某妻一產三男十五年正月黃河縣民金澤妻生子無耳目口  
鼻兩頭一角扣之有聲如銅十八年益都縣民梁氏子驟長一丈有奇十九年  
巴縣民劉天才妻一產三男博興縣民李敬昌妻趙氏一產三男靖遠縣民張  
守和妻王氏一產三男二十一年六月武城縣武庠生王靈妻刁氏一產三男

九月湖口縣民吳紹榮妻時氏年四十五歲初胎一產三男應城縣魯姓婦遺腹一產三男二十二年正月彭澤縣民何奇峯妻王氏一產三男二十三年十一月博興縣民係在興妻白氏一產三男二十四年四月樂安游氏女春桃年十五歲化爲男二十五年日照縣民宋哲妻周氏一產三男定海廳民陳宏球妻一產三男道光元年九月日照縣民趙希常妻張氏一產三男三年五月中衛縣民吳興妻一產三男五年樂平縣民甘德喜妻陳氏一產三男六年七月樂清縣民戴萬春妻林氏一產三男麻城民甘學楷妻一產三男七年宜城縣民張金福妻一產三男狄道州民潘永周妻一產三男九年十月樂陵縣民張志芳妻柳氏一產三男十年七月濱州民趙登坡妻張氏一產三男十一年七月萊陽縣民孫洪妻一產三男十三年崇陽縣民傅調鼎妻一產二男一女十四年日照縣民馬立太妻一產三男十五年七月利津縣民馬恭妻宋氏商民縣民張曲寅妻胡氏俱一產三男十六年日照縣民郭忠妻劉氏一產三男十七年樂陵民陳吉順妻宋氏一產三男觀城縣民陳珩妻錢氏一產三男二十

年貴定民王某妻一產三男二十二年十一月南鄉有女化爲男二十五年十二月平度民蘭種玉妻一產三男二十七年十月公安縣民婦產一女手足各四三日而口有齒二十八年四月葛家坡盧氏女年十二化爲男二十九年西寧縣民張侈倫妻一產三男玉山縣民李前鄰妻周氏一產三男三十年三月應城縣民宋爽先張氏一產三男黃陂縣民李允埜妻劉氏一產三年咸豐元年崇陽縣民某婦一產五男二年二月黃縣民王經魁妻一產三男五月宜都杜氏女十三化爲男五年平湖民黃某妻一產四女一男六年黃安縣民婦產一子二首一身十一年興國縣民曾世紅女許字王氏子幼即收養夫家及年十四化爲男遺歸同治三年即墨縣民家有男化女孕生子四年秀水陳氏婦產四鼠五年東南鄉民有女化爲男八年九月靈州民惠澤之妻孕三歲不產忽小腹潰裂子從孔出如人形頃之子死腹復合無痕十年冬襄陽民徐氏子生而有佛像三下作蓮花紋在其左偏光緒三年四月皋蘭庠生張文煥妻一產四男十八年六月甯州民馬壽隆妻生一子三眼三足一眼在額上三十三

年甯州民馮某家生一子深目長喙爪背有毛長寸能左右顧啼聲如猿

順治元年懷來大疫龍門大疫宣化大疫九年萬全大疫十三年西甯大疫康熙元年五月欽州大疫餘姚大疫七年七月內邱大疫九年正月靈川大疫十二年夏新城大疫十六年五月上海大疫六月青浦大疫七月商州大疫十九年正月蘇州大疫漂水疫八月青浦大疫二十年晉寧疫人牛多斃曲陽大疫二十一年五月榆次疫二十二年春宜城大疫三十一年三月邯鄲大疫五月房縣大疫廣宗大疫六月富平疫同官大疫陝西大疫鳳陽大疫靜寧疫三十二年七月德平大疫三十三年夏湖州大疫桐鄉大疫秋瓊州大疫三十六年夏嘉定大疫介休大疫青浦疫甯州疫三十七年春壽光昌樂疫夏浮山疫隰州疫四十一年三月連州疫四十二年春瓊州大疫靈州大疫五月景州大疫人死無算六月曲阜大疫東昌疫鉅野大疫八月文登大疫民死幾半四十四年春南樂疫河間大疫獻縣大疫人死無算六月荷澤疫秋章邱大疫東昌大疫青州大疫福山瘟疫人死無算昌樂疫兗州寧海大疫濰縣大疫四十五年



夏房縣大疫藩圻大疫崇陽疫四十六年五月平樂疫永安州疫七月房縣大疫公安大疫八月沔陽大疫四十七年二月公安大疫三月沁源大疫五月靈州大疫武寧大疫蒲圻大疫涼州大疫四十八年三月湖州大疫四月桐鄉大疫象山太疫高淳大疫漂水疫五月太湖大疫青州疫六月潛山南陵銅山大疫無爲東流當塗蕪州大疫十月江南大疫四十九年秋湖州疫五十二年冬化州大疫陽江大疫廣寧大疫五十三年夏陽江大疫五十六年正月天台疫六十年春富平疫山陽疫六十一年七月桐鄉疫嘉興疫雍正元年秋平鄉大疫死者無算二年六月陽信大疫四年四月上元疫曲沃疫五月大埔疫獻縣疫五年夏揭陽大疫海陽大疫秋澄海大疫死者無算冬漢陽疫黃岡大疫鍾祥榆明疫六年三月武進大疫鎮洋大疫常山疫四月太原疫井陘疫沁源疫甘泉疫獲鹿疫枝江疫崇陽大疫蒲圻大疫荊門大疫夏巢縣疫山海衛大疫鄧西大疫十一年鎮洋大疫死者無算崑山疫上海大海寶山大疫乾隆七年六月無爲疫十年十一月棗陽大疫十二年五月蒙陰大疫十三年春泰山大

疫曲阜大疫夏膠州大疫東昌大疫福山大疫秋東平大疫十四年五月青蒲  
大疫武進大疫七月永豐漂水疫二十一年春湖州大疫蘇州大疫婁縣大疫  
崇明大疫武進大疫泰州大疫夏通州大疫十一月鳳陽大疫二十二年四月  
桐鄉大疫七月陵川大疫二十五年春平定大疫六月嘉善大疫冬靖遠大疫  
三十二年八月嘉善大疫三十五年閏五月蘭州大疫四十年春武强大疫四  
十八年六月瑞安大疫五十年冬青浦大疫五十一年春泰州大疫通州大疫  
合肥大疫贛榆大疫武進大疫蘇州大疫夏日照大疫范縣大疫莘縣大疫莒  
州大疫死者不可計數昌樂疫東光大疫五十五年三月鎮番大疫八月雲夢  
大疫五十七年九月黃梅大疫五十八年冬嘉善大疫六十年十二月瑞安大  
疫嘉慶二年六月甯波大疫三年五月臨邑大疫五年五月宣平大疫十年二  
月東光大疫三月永嘉大疫十六年七月永昌大疫十九年閏二月枝江大疫  
二十年春泰州疫四月東阿疫東平疫七月宣州疫武城大疫二十一年內邱  
大疫二十三年十一月諸城大疫二十四年五月恩施大疫二十五年七月桐

鄉大疫太平大疫青浦大疫八月樂清大疫永嘉大瘟疫流行冬嘉興大疫道光元年三月任邱大疫六月冠縣大疫武城大疫范縣大疫鉅野疫登州府屬大疫死者無算七月東光大疫元氏大疫新樂大疫通州大疫齊南大疫死者無算東阿武定大疫滕縣大疫濟甯州大疫八月樂亭大疫青縣時疫大作至八月始止死者不可勝計清苑定州瘟疫流行病斃無數灤州大疫元氏內邱唐山蠡縣大疫望都大疫臨榆疫南宮曲陽武强大疫平鄉大疫九月日照大疫沂水大疫二年夏無極南樂大疫臨榆大疫永吉茄疫七月宣城大疫安定大疫三年春泰州大疫秋臨榆大疫四年平谷南樂清苑大疫六年冬霑化疫七年冬武城疫十一年秋永嘉瘟疫十二年三月武昌大疫咸寧大疫潛江大疫四月蓬萊疫五月黃陂漢陽大疫宜都大疫石首大疫死者無算崇陽大疫監利疫松滋大疫八月應城大疫黃梅大疫公安大疫十三年春諸城大疫四月乘縣大疫五月宣城大疫永嘉大疫日照大疫定海廳大疫十四年六月宣平大疫高淳大疫十五年七月范縣大疫十六年夏青州疫海陽大疫即墨大疫

十九年九月雲夢大疫二十二年正月高淳大疫夏武昌大疫蕪州大疫二十三年七月麻城大疫定南廳大疫八月常山大疫二十七年秋永嘉大疫二十八年春永嘉大疫二十九年五月麗水大疫咸豐五年六月清水大疫六年五月咸寧大疫十一年春即墨大疫六月黃縣大疫同治元年正月常山大疫四月望都象北縣大疫六月江陵大疫東平大疫日照大疫靜海大疫秋清苑大疫灤州大疫甯津大疫曲陽東光大疫臨榆撫寧大疫葦縣大疫臨朐大疫登州府屬大疫死者無算二年六月皋蘭大疫江山大疫八月藍田大疫三原大疫三年夏應山大疫江山大疫崇仁大疫秋公安大疫五年五月永昌大疫六年二月黃縣大疫七月曹縣大疫九月通州疫泰安大疫八年六月甯遠秦州大疫七月麻城大疫九年秋麻城大疫冬無極大疫十年五月孝義廳疫六月麻城大疫十一年夏新城大疫武昌縣大疫

順治六年六月太平啟山縣山鳴如雷移時乃止十月皆州山鳴九年九月武強天鼓鳴康熙元年七月七日夜間有聲二年四月二十三日萊陽有聲如海

嘯自南起至子時方息四年正月初九日西山鳴永嘉山鳴瑞安山鳴七年八月泰山鳴九年夏駕岩天鼓鳴十七年十二月二十二日未時聚強同官中有聲如雷起自西北二十四年五月樂昌有聲如雷自西南之東北四十七年七月霑化無雲而雷五十年十月十一日玉屏南山有聲如鳴鼓五十六年七月合肥縣城牆夜哭三次六十年十一月十九日午刻遵化有聲自西南來其聲如雷雍正七年九月嘉平無雲而雷者三十二年正月初三武定有聲如雷自東北至西南移時乃止乾隆六年八月宜昌峯山有聲如牛鳴聲聞數十里數十晝夜不息自止十年五月寧津無雲而雷十一年四月分水南慈山夜半石鳴逾日乃止十二年正月十三日解州無雲而雷十二月乙酉肥城仁貴山有聲如雷移時乃止十七年二月忻城夜中有聲如雷移時乃止十八年五月池州東南山鳴二十一年八月秦州邽山鳴二十三年三月東來清嶺鳴聲如殷雷嘉慶元年二月榮城有聲如雷自西北向東南十年三月三日袁州空中有聲道光二十年九月星子五老峯有聲如雷二十六年八月平湖四城鳴如鳥

啾啾不已咸豐元年六月浮梁城隍廟有哭號聲八月二十八日隨州有聲如雷三年七月元氏天鼓鳴自東北至西南數日始止十年二月臨朐逢山石鼓鳴同治元年正月初二日三原東鄉夜聞兵馬聲六月狄道州鳳凰山鳴聲如雷數日不息四年四月通渭泰安有聲鳴如鼓六年夏江山江郎山鳴二年六月十四日漳縣有巨聲三作聞聲數十里光緒二十二年四月戊子南樂無雲而雷二十三年五月南樂無雲而雷

順治五年六月貴池隕石十年四月廬州星隕化為石大如斗康熙十三年五月甯遠墜二星化為紅石十五年五月青蒲星隕墜地有聲居民掘之見一黑石按之尚熱重九十斤擊碎刀摩之火光四射二十年正月二十日海豐有星隕化為石其形三角重九斤二十四年正月初六饒平星隕黃岡五丈港聲聞數十里化為石其大如斗其色外青內白雍正八年八月府谷星隕入土四尺掘之得一黑石乾隆三十五年三月樂安空中有光如炬掘地得一石鐵色大如斗叩之有聲欲昇之不語則舉語則雖大力不能舉四十年八月鉅縣屬吳

家集隕星一化爲黑石四十七年八月滕縣星隕忠三保楊氏院中化爲石色青白重約百觔孔數百大容拳小容粟五十八年四月分宜隕石于田巨聲如雷黑色嘉慶二十三年十一月二十五日長星落有聲如雷土人視其隕處成一坑掘之得一石長二尺餘闊尺餘形方而角圓擊碎之中分五色咸豐十一年七月三十日光化隕星三化爲石同治十二年六月十四日漳縣馬成龍川有巨聲三作聞數十里空中墜石三塊高可四尺五寸十月羅田隕石觸地而碎光緒二十年正月二十二日皋蘭隕星如火毯土人識其處掘之得一鐵卵順治十一年二月初九日香山河水如血次日復故崖州東荔枝塘水赤如血旬日乃已十二年萬泉井水黑十三年江州泉水忽赤如血十四年三月節畢雙井出紅水龍潭出黑水十五年四月潮陽江水變色黑而濁十八年八月通州河水黑如墨康熙十五年九月渭水赤三十二年襄陵水赤半月始復雍正二年七月桐鄉海水入內河味如瀉乾隆三十三年六月歙縣西鄉池塘井泉之水沸起如立移時乃平道光元年六月曹縣城中坑水赤咸豐三年七月應

城堰水無故由南趨北湧起如山南北水二道中凹見底移時始合安陸水門四年十一月蕪水水湧躍高數尺青浦水無故自湧五年六月雲葛池水自溢高尺許頃復故十一月初五宜昌堰水無風水自湧起尺許光緒四年五月十二日孝感塘水忽湧起高二尺許逾時始定黃岡水自湧雲夢塘自溢久之始定宣統元年六月隴水赤三日

順治元年八月東陽大水邢台大水二年四月萬載大水淹沒田禾東安大水七月嵯縣大水邢台大水棗强大水正定滹沱河溢雞澤大水單陽大水三年二月阜陽大水亳州大水五月兗州大水漂沒廬舍沂州蒙漢大水七月高平大水臨淄大水四年四月萬載大水六月平樂蕭縣銅山望江無爲阜陽亳州大水七月瑞安曲阜沂水樂安汶上昌樂邱安大水八月高州高郵大水甯陽汶水溢五年春五河平原汶上大水五月平樂永安密雲獻縣新河柏鄉霸州大水白河堤決六月武強平鄉南和永年棗强密雲晉州宿松大水建德蛟起大水七月潁上亳州太平常山大水六年四月九江漢陽鍾祥大水五月十八



日阜陽淮河漲平地水深丈許壞民舍無算七月鹽城文安真定順德廣平大名河間大水七年正月漢陽九真山蛟發水五月齊河河決長清河決荆陸口平地水深丈餘村落漂沒殆盡黃河決刻城日照大水六月蒼梧遂昌台州湖州興安安康大水秋東阿大水淹沒六十七村東明荆隆口決河溢陸地行舟在平昌邑濰水決漂沒田禾石城膠州恩縣堂邑武定府屬大水十月仙居大水城北隅塌壞田廬無數民多溺死撫甯灤城大水八年正月石埭蘇州大水景州河決四月初七日潛山蛟出千百條江暴漲壞民居無算望江大雷雨五月旌德大雨蛟發水平地水深丈餘溺死人畜無算八月烏程瑞安高淳鎮洋大水傷禾十月廣宗南樂玉田邢台甯河南和大水九年二月東流大淝湖水出江湧高丈餘三月齊東黃河決五月臨清平定樂平壽陽武定商河樂陵大水村落多淹沒六月樂平岳陽平陽榮河壽光昌樂安邱高苑大水七月蒙陰秦州隴西烏程鍾祥開平大水害禾稼八月普寧桐鄉大水十年四月石首枝江大水松滋堤潰五月沁水壽陽興安大水欽州海水溢六月乙卯蘇州大風

雨海溢平地水深丈餘人多溺死安定白河雷雨暴至水高數丈漂沒居民陽穀大水田禾淹沒民舍多圯陸地行舟文登大雨三日海嘯河水逆行漂沒廬舍衝壓田地二百五十餘頃七月鎮洋蕭縣嘉興大水八月莘縣臨清大水十一年三月武昌縣雷山寺蛟起水平地深丈許沔陽堤潰大水五月興甯龍川大水六月在平黃河決村墟漂沒十二年正月鹽城衆海溢人民溺死無算四月石埭嘉興鍾祥潛江大水六月潭水溢平地水深丈許陸地行舟十三年五月武強湖州大水興甯大水陸地行舟六月萬載萍鄉甯都大水十月平湖烏程天台大水十四年六月太平石埭銅陵大水秋望門高要安邱大水十五年三月台州臨海大水夏歸州峽江宜昌松滋武昌黃州漢陽安陸公安嶧縣大水宜城漢水溢浮沒民田當陽水決城堤浮沒田廬人畜無算荊門州大水漂沒禾稼房舍甚多秋蘇州五河石埭舒城婺源大水城市行舟鍾祥大水天門漢堤決潛江大水十六年四月湖州信宜大水五月衢州江山常山江陵大水六月江夏漢川沔陽大水十一月仙居通州延川大水十二月望都獻縣大水

十八年五月龍川峽江萬載大水六月河源平樂蒼梧武强大水八月淳安慶元南昌各府大水康熙元年五月廣州大水六月荀陽白河興安榆林大水七月孝感沔陽廣陵江陵松滋鉅鹿興化蕭縣沛縣甯州大水八月天門漢水溢堤決舟行城上成安鍾祥潛江大水九月冀州阜城大水二年六月漢中漢江交河大水七月永安州平樂貴州咸寧大冶蘄州江陵大水八月松滋堤決大水浸公安民溺無算枝江大水漂沒民居浮屍旬日不絕宜都黃岡鍾祥麻城鉅鹿大水九月浦江當塗望江大水十二月蒲圻大冶沔陽天門大水江陵郝穴堤潰大水三年三月阜城萬載大水六月偏岡河水暴發壞民舍甚多城內水深丈餘海甯海決水入城濠天門大埔大水閏六月延安昌黎大水七月交河梧州大水八月餘姚山陰大水害稼仙居桐鄉大水十二月汾州府屬大水四年三月阜陽望都大水鳳陽水入城七月平定嘉水溢景州肥鄉湖州麗水萍鄉望都雞澤大水天門水決入城八月高邑仁化平樂梧州大水六年八月懷來河間蠡縣大水來陽大水高數丈七年五月麻城玉田大埔大水六月濠

城南宮蔡城磁州大水七月趙州臨城高邑深澤安平永年蠡縣鉅鹿黃岩樂清萍鄉大水八月交河高平蒼梧大水八年六月三水茂名化州大水房縣大水壞田廬東莞潦潮大溢九年鍾祥應城蒲圻崇陽枝江鳳陽大水湖州太湖水陡漲丈餘漂沒人畜廬舍無算青浦全椒五河鄞縣上虞大水博野等二十九州縣大水十年秋七月松滋宜都大水八月文安安肅濟甯州大水沐陽石首大水十一年巴縣忠州大水入城鄆都遂寧平樂永安州任縣大水六月湖州宜興大水漂沒民房英德杭州邢台大水宜都潛江松滋太平烏程大水十二年六月高要蒼梧虹縣濟南府屬大水十三年三月蘇州大水霸州等十一州縣水五月任縣萬載大水瓊州海水溢民舍漂沒入海人畜死者無算十四年六月五河新城蠡縣肅寧大水八月梧州大水十五年正月潛江穀城大水宜城漢水溢漂沒人畜禾稼房舍甚多五月白河永安州平樂武昌大冶蒲圻黃陂孝感沔陽廣濟宜城天門梧州大水六月黃岡江陵監利蘇州青浦大水廣濟江決大水懷集震澤肅縣大水九月銅山南樂大水十六年二月高郵銅

山蕭縣大水四月潛江望江大水七月河間安邱任縣雞澤欽州蒼梧橫州潯  
州大水十七年四月龍川和平湖州大水六月欽州惠來遂州台江大水七月  
任縣邢台蕭縣銅山延安平樂大水十八年七月祁州肅宣大水八月漢中大  
水潛江堤決十九年六月廣濟宜都宜昌宜興武進福山沂水蒙陰滕縣大水  
七月峽江宜昌宜都大水八月太湖溢湖州大水二十年四月常山封川大水  
五月昌化湯溪江陵監利大水死者無算新建等十四州縣水二十一年春秀  
水大水五月封川枝江建德大水入城十七日嚴州府屬六邑大水二十一日  
方退六月初五水復大至七月平樂蒼梧建德震澤太湖宿松鄒平大水二十  
二年七月永安州蒼梧大水十月藥城單縣甯大水二十三年正月銅陵東昌  
大水四月甯州莘縣樂安藥城大水二十四年正月饒陽臨城遷安獻縣河間  
樂亭東平大水夏江夏通城黃岡蘄水麻城黃陂黃梅廣濟羅田鍾祥沔陽荆  
州江陵監利孝感蒲圻公高苑安平武強大水二十五年六月常山樂安壽光  
昌樂蓬萊大水七月台州薊州大水二十六年高明連州大水秋震澤高苑大

水二十七年五月澄海澤州定遠廳大水二十八年夏永安州平樂大水河源  
大水陸地行舟二十九年八月餘姚大水蛟蜃出者以千計平地水深丈餘諸  
暨上虞皆被水田禾盡淹蘄州資坻大水三十年永甯河決淹沒田二百餘頃  
三十一年二月新城新安鄒平大水七月嘉定眉州緜州灌縣新津威遠河水  
漲損民舍傷稼九月十二日新市河中水忽湧立高丈餘徑圍俱有丈餘三十  
二年七月陽高高郵保定順天無定河間大水三十三年十二月銅山溢陽湖  
高郵東明大水三十四年五月湖州桐鄉澄海公安三水樂安震澤大水三十  
五年六月新安即墨萊城大水七月江夏江水決崇陽溪黃徒蒲圻江陵大水  
黃潭堤決枝江大水入城五日方退廬舍漂沒殆盡八月黃岡饒陽秦州歙縣  
沛縣遷安大水九月深澤榮城大水三十六年七月崑山臨榆大水三十七年  
五月婺源棠邑鳳陽東昌五河新安建昌大水三十八年六月踰城泰順建德  
新安無極大水閏七月杭州大水八月台州大水平地高丈餘金華湯溪西安  
江山常山贛縣沔陽大水三十九年七月剡城沂州高郵大水四十年平樂鶴

慶廣平連州廣州大水六月大埔黃岡海陽大水四十一年五月英山澄海甯  
縣大水四十二年五月高唐南樂甯津東阿江陵監利湖州大水平樂灘江漲  
平地水深丈餘民舍傾圯青城陽穀沂州平遙南樂廣平大水恩縣大水陸地  
行舟衛河決七月登州府屬大水十一月漢中府屬七州縣大水濟南府屬大  
水四十三年二月景州漢江天門沔陽監利大水五月連州山陽大水平地深  
丈餘蒼梧湖州漢陽漢川監利邢台大水四十四年新建豐城廬陵吉水大水  
秋青浦柏鄉六合大水十一月隨州沮水溢壞民居江夏嘉興漢川潛江天門  
沔陽監利當陽大水四十五年清江新塗瑞金穀城鍾祥天門大水秋沛縣銅  
陵阜陽大水四十六年五月鶴慶龍門河源蒼梧鄒平大水冬霸州六州縣大  
水四十七年五月杭州高淳南匯太平銅陵無爲廬江巢縣太湖南陵崑山大  
水六月太湖水溢七月西安常山江陵上海武進丹陽蘇州大水冬當塗蕪湖  
翼山大水四十八年春潁山阜陽臨安大水五月慶元江陵監利應城荊門州  
漢陽漢川孝感潛江光化大水六月婺源大水漂沒田廬黃河溢灤河溢東安

單縣台州大水四十九年八月銅陵無爲舒城巢縣大水十一月棗強霸州  
慶雲崇陽大水五十年五月沂水大水十月平陽大水漂沒居民數百人五十  
二年五月海陽興安鶴慶大水石城河決侵入城田舍漂沒殆盡贛州山水陡  
發衝圯城垣八月台州廬州大水五十三年五月石城肅大水五十四年春梧  
州鎮安府崑山大水江夏七州縣大水四月全州大水城內深四五尺五月澄  
海大水堤決邱縣壽光獲鹿獻縣武定濱州海豐陽信大水長山河溢湧起數  
丈六月蘇州大水城水深五六尺廬舍田地衝沒殆盡杭州枝江大水秋東昌  
河決十一月德平大水五十五年三月黃梅廣濟江陵監利大水五月昌化常  
山甯武建昌邱縣樂安大水渾水決甯陽濟甯汶上均受其災崇陽黃陵天門  
銅陵太湖大水九月濟南府屬大水潛山江水泛溢田廬盡淹五十七年三月  
萬全光化大水五月大埔大水六月旌德大水漂沒人民橋梁無算海豐普甯  
嘉慶州黃定縣崇陽大水秋黃陂大水五十八年正月清河大水七月福山日  
照濰縣大水膠州大水平地深丈餘漂沒廬舍無算城垣崩圯五十九年五月



龍川海陽澄海慶元桐鄉高郵大水六月石首大水漂沒民居殆盡蒲圻漢陽  
漢川沔陽大水七月橫州宣化降安永淳蒼梧大水六十一年六月東阿河決  
沂水河決山東曹單濮等州縣均受其災海州海溢齊河金龍口河決雍正元  
年夏東流房縣大水海陽韓江漲保康水溢七月上海大埔大水二年二月饒  
陽肅宣新樂三河甯河大水四月饒平大水五月澄海大水堤決四十餘丈光  
化漢水溢傷人畜禾稼房縣大水入城漂沒民居甚多穀城大水一月始退潛  
江天門大水入城鍾祥大水堤決沔陽江陵慶元大水六月東阿河決陸地行  
舟七月泰州海水泛溢漂沒官民田八百餘頃南漚大風雨海潮溢田廬鹽場  
人畜盡沒海甯海潮溢塘堤盡決餘姚海溢漂沒廬舍溺死二千餘人海鹽海  
水溢太湖溢定海大風海溢漂沒廬舍鎮海大風雨海水溢鄞縣慈谿奉化象  
山上虞仁和海甯平湖山陰會稽嵊縣永嘉於七月十八日同時大水八月己  
丑蘇州海溢樂清大水即墨大水民舍多圯十二月漢水暴發入城三年正月  
寶坻大水二月濟南齊河濟陽德州大水四月廣州西江水溢五月饒平大水

六月沂州河決武強濬沱河溢平地水深數尺田禾盡淹沒普宣大水澄海大水堤決五百丈八月十五夜大埔大水陸地行舟曲陽武強雞澤邢台聚強薊州清苑遵化州大水新安大水南北堤同日決四年濟南府屬大水六月大埔應城黃梅黃岡江陵監利大水蘄州江水高起丈餘天門大水陸地行舟七月嘉應信宜慶陽漢陽漢川黃陂江夏武強祁州唐州黃安平鄉饒平蒼梧普宣濟寧州兗州東昌大水崇陽蛟起水浸入城八月桐鄉南昌新建豐城進賢清新淦建昌德化高淳鶴慶大水十二月曹縣單縣荷澤兗州東昌大水五年漢水溢武昌安陸荊州三府堤決五月蒼梧安南荊門州黃岡蘄州廣濟大水六月平魯山水暴發漂沒民居慶陽蒼梧石城大水七月臨安孝豐兩縣蛟出山水陸發餘杭新城安吉德清武康俱被水蘄州江水漲羅田石首公安廣濟縣安肅容城大水霍山蛟發水黃河高數丈沿河居民漂沒甚衆十月初三日昌邑海溢人多溺死高郵銅陵廬江舒城大水六年崇陽漢陽潛江大水七年五月大庾南康大水八年五月蘇州震澤大水八年六月武定濱州海豐利津

霑化縣甯陽兗州大水濟南小清河決傷禾稼萊州霪雨兩月河水暴發田禾漂沒民多溺死衡水沙河雞澤大名順德廣平永年高苑博興樂安大水慶雲北河溢清澗黃河無定河溢漂沒人畜九年春樂安壽光東昌長甯慶雲大水四月宜昌溪水暴溢壞民田六月碭山長山大水十月濟南鄒平大水十年四月富川大水五月義眉大水冲塌房七十九間淹斃人口九十五口榮經雅安南安南昌撫州瑞州吉安大水六月黃岡大水七月蘇州大風雨海溢平地水深丈餘漂沒田廬人畜無算鎮洋颶風海潮大溢傷人無算崑山海水溢寶山颶風兩晝夜海潮溢高丈餘人多溺斃嘉定海溢崇明海溢溺人無算青浦大風海溢八月崑山海水復溢溺人無算十一年武強邢台饒陽豐潤薊州肅宣沙河盧龍昌黎獻縣大水三河甯河溢沙州山水驟發冲塌民房五百七十七餘間八月剡城高淳大水十二年三月懷安大水入城乾隆元年鍾祥漢水溢漢川江陵沔陽天門大水七月鄧縣海水溢慶元大水二年二月樂清永嘉瑞安大水五月鳳台黃岡大水七月武強饒陽獲鹿欒城平山景州容城獻縣新

樂州河高邑順天莘縣大水東昌衛河決三年七月黃岡麻城柏鄉甯甯滄州武強東安新安饒平獻縣遂寧合江邢台大水渾河溢秋禾被災者一百九十村深澤無極渣河水溢四年四月亳州河決潁上阜陽五河大水秋陽穀壽張大水禾盡淹潤德泉溢六年四月鍾祥天門沔陽大水五月龍川湖陽甯都大水七月永嘉海溢瑞州海溢寶山海溢蒼梧湖州大水八月鍾祥南郊大水七年六月光化宜城江陵枝江南安府屬永甯大水游水發田廬盡沒七月鹽城河決毀民居數萬間銅山河決漂沒廬舍安邱水溢六七里人有溺斃者膠河溢剡城袁州江夏嘉魚東流漢陽漢川黃陂孝感鍾祥大水潁上五河亳州大水八年夏黃岡宜都興國高淳大水九年天津河間霸州撫甯大水五月澄海大水東林堤決六十餘丈冲倒民房數百間大埔洪水入城漂沒民房一百九十餘間六月漢川遂甯簡州崇慶綿州邛州成都華陽金堂新都郫縣崇甯溫江新繁彭水什邡羅江彭山青神樂山仁壽資陽射洪大水溺死居民六百餘人七月當陽江水暴發田禾盡淹紹興微岩水發海溢田禾盡淹常山水水溺

人無算淳安江溝暴漲城市淹沒桐廬江水驟漲市城水高二丈凡浸五日方退昌化建德嘉善大水十年四月西桂普安州大水潛江沔陽等九州縣大水五月泰州海溢亳縣水災七沃滄河大水淹没人畜無算渭水溢秦州藉水溢白沙北堤決水入城民居漂沒甚多隴石嶺陽江陵大水十一月濟南大水十一年潁陽潛江沔陽袁州高苑大水六月連州臨武大水七月鳳陽潁上亳州大水十月江陵萬城隄潰潛江被水災甚重十一月即墨大水十二年五月遊山水驟發六月應州渾源大同三州縣大水七月海甯潮溢鎮海海潮大作冲圮城垣蘇州颶風海溢常熟昭文大水淹沒田禾四千四百八十餘頃壞廬舍二萬二千四百九十餘間溺死男女五十餘人崑山海溢傷人無算泰州大風潮溢淹鹽城傷人甚多潁陽大水淹沒田禾濟陽德平平原霑化兗州濟甯州嘉祥剡城莒州蒙陰日照蘭山大水東赤城水災十三年五月日照海溢金鄉魚台濟甯州甯陽范縣壽光膠州岐山潤德肥城潛江漢川天門沔陽江陵監利大水太原汾水溢九月鄆西房縣大水十四年三月壽光海溢海豐全州太

湖大水八月宜都漢水漲冲沒民居百餘家沔陽潛江天門江陵監利漢川大水十五年三月平遠大水連日洪水漲發壞田屋漂沒人畜無算五月樂亭海潮連河上田禾盡淹英山大水淹沒田廬蕭甯阜平武進阜陽大水淳安水驟發田禾淹沒六月日照水溢隨州潁水溢壞民田舍富平容城祁州大水十六年三月濰縣海水溢掖縣大風雨海水溢漂沒人畜四月平度海溢兗州府屬大水七月東昌日照利津霑化惠民蒲台壽光永樂大水濰州河溢十七年正月鄆縣鍾祥京山等十六州縣大水四月洛川水六月雷州文登榮成遵化陵縣臨邑大水七月仁和海甯水驟至田禾盡淹八月襄陽棗陽宜城穀城均州龍川大水冬桐鄉南柵大水十八年二月峽江潛江沔陽天門吉安蘄水大水六月饒平大水漂沒民房五百六十餘間八月海豐利津海溢壽光海溢濱州霑化蘭山剡城日照大水九月淮水溢壞民舍涑水漲淹沒西王等村太湖鳳陽五河大水信宜大水淹沒廬舍二百餘間男婦五十餘口十月黃河溢漂沒民舍甚多慶雲大水十二月天門江溢二十年金鄉魚台潛江沔陽荊門江陵

監利光化大水十二月潛江團湖垸堤潰光化壽州鳳陽潮州大水二十一年十二月五河德州金鄉魚台壽張大水東昌衛河決二十三年青浦金鄉魚台濟寧州大水普甯大水入城二十四年八月泰州大風潮溢淹沒禾稼臨清衛河決太湖潛山大水二十五年五月慶元洵陽柏鄉大水秋屏山縣百溪水暴漲二十六年五月潛江沔陽等七州縣大水六月南宮河水溢雲夢河水漲高湧丈餘田宅盡淹死者無算峽江大水溢江陵婁縣固安永清甯河文安望都容城盧龍大水樂陵金鄉魚台甯陽汶上壽張大水八月東昌衛河決二十七年四月慶雲棗強安肅望都大水七月邱縣漳水溢淹沒田禾海鹽潮溢塘圯水入城漂沒民居仁和錢塘海甯餘杭大風雨山水驟發灶場田禾盡淹平湖台蒲義烏青浦東昌德平黃縣大水二十八年五月瑞安潮溢陸地行舟資陽大水二十九年二月南昌吉安九江漢陽漢川武昌江夏大水四月黃安黃州黃岡蘄水廣濟石首大水洞庭湖漲漂沒民居無算五月宣平達州大水三十年三月長清惠民諸城大水七月府谷河漲薊州大水北山蛟水陡發漂沒房

舍三十一年秋東昌衛河決濟南禹城惠民商河利津金鄉魚台大水三十二年江夏武昌黃陂漢陽荊門州黃岡蘄水羅田廣濟江陵枝江大水三十三年七月太原武清慶甯河南樂安肅望都大水三十四年五月蒼梧懷集新樂涇水大水六月太湖溢武進潛山湖州嘉善大水十月江夏武昌崇陽黃陂漢陽黃岡廣濟江陵枝江大水三十五年春鄆縣慶元大水夏古北口山水暴發涪州寶坻武清喀喇河屯廳望都洵陽白河武寧大水郎西漢水溢秋濟南東昌大水壽光大風雨海溢傷民畜無算三十六年正月鳳陽大水五月甯陽安邱壽光博興大水秋五河鄒平商河惠民東昌德平大水四十年春直隸省四十四州縣大水八月河津汾水溢近城高數尺次日退四十一年六月海子山水驟發浪高丈許壞城垣廬舍人多溺死秋代州秋峪口河決田廬多沒四十四年六月臨清衛河決施南清江水溢鍾祥漢水溢入城壞民廬舍江陵大水田禾盡淹宜都武昌大水四十五年三月慶元大水五月袁州義烏大水入城鍾祥沔陽潛江荊州三衛大水六月常山大雨湖水暴發民房多圯武清房山滕縣



大水九月慶元金華大水四十六年十二月宜城江陵壽光博興大水四十七年六月十七日鄴渚二江漲頃刻水高丈餘民田廬舍淹沒殆盡中江三台射洪遂安蓬溪鹽亭同日大水江夏武昌黃陂漢陽安陸德安瑞安大水四十八年五月宣平大水漂沒田禾六月江夏黃梅武昌三衛黃岡廣濟大水五十一年春霑化崇陽大水八月江陵水五十三年五月宜昌大水沖去民舍數十間常山慶元南昌新建進賢九江臨榆大水六月荊州萬城堤決城內水深丈餘官署民房多傾圯水經兩日始退漳河溢枝江大水入城深丈餘漂沒民居羅田大水城垣傾圯人多溺死江夏漢陽九衛武昌黃陂襄陽宜城光化應城黃岡蕪水羅田廣濟黃梅公安石首松滋宜都大水七月江陵萬城堤潰潛江被災甚重漢陽大水五十四年五月瑞安寧海東湖大水八月安州臨榆大水五十五年七月長清濱州大水運河決水溢禹城平原等縣水深數尺八月濰州濰河溢樂亭武強高唐大水五十六年正月湖州大水十月即墨沽河水溢十一月保康大水田廬多沒五十七年十一月臨江吉安撫州九江大水五十八

年春青浦大水貴定大水壞民舍四月隨州黃安南昌大水七月海鹽潮溢壞民舍大名元城水五十九年三月衛河溢武城大水襄陽光化宜城黃安清苑蠡縣撫寧大水漳沱河溢六十年五月漢水溢麗水分宜玉山潛江沔陽松滋大水朱家阜堤決嘉慶二年六月武進東平良鄉天津靜海青縣滄州大水七月樂亭栗清大水寧都霖雨水驟發毀民居瓦房一萬八千九百三十間草房一千二百四十五間淹斃男婦四千三百九十二名三年夏武昌文安大水四年二月蠡縣大水七月長清大水五年霸州河間任邱隆平晉寧定州水六年春禹城運河決水至城下長清觀城任邱靜海黃縣平鄉大水漳沱河溢田禾盡沒鎮西堤決六月武清昌平涿州薊州平谷武強玉田定州南樂望都萬全大興宛平香河密雲大城永清東安撫寧南宮金華大水灤河溢永定河溢七月義烏大雨江水入城新城縉雲大水七年四月義烏大水禾盡沒五月定海大水田禾盡沒七月新城大水漂沒民房一萬七千餘間漢川沔陽鍾祥京山潛江天門江陵公安監利松滋等州縣連日大雨江水驟發城內水深丈餘公

安尤甚衙署民房城垣倉廩均有倒塌而人畜無損九月鄖西大水鍾祥大水堤決八年五月隨州大水冬黃河溢大水東阿河決壞民田廬舍東昌河決蒲台利津濱州霑化雲夢范縣觀城大水九年三月南昌撫州贛州九江大水十年六月文安安州新城霸州大水十一年七月溫州寧波鍾祥珙縣大水十三年三月武進望都清苑定州大水五月新城慶元大水七月慶元復大水九月南宮袁州九江大水十四年四月望都房縣大水六月南宮大水十五年四月新林宜城大水六月濟南大水七月永定河溢南宮平度廣元鹽源大水十月宜城大水十六年四月保定文安大城固安永清東安宛平涿州良鄉雄縣安州新安任邱大水秋肥城即墨平度甯海大水十七年春南昌臨江五月竹溪大水入城六月麗水房縣大水二十年四月厯城長清大水二十二年七月宜城穀城嬰武大水二十四年二月黃縣大水沖塌民房人多溺死四月唐山灤州大水二十五年宣化寧晉甯河寶坻文安東安涿州高陽安州靜海滄州埕山大名南樂長垣保安萬全懷安西甯懷來新河豐潤大水六月麗水大水道

光元年三月甯津大水五月保康隨州博興即墨大水秋濟南惠民商河霑化  
潛江任康大水二年正月鍾祥大水堤決潛江大水五月光化漢水溢竹山鄖  
縣大水六月武城河決武強河水溢清苑唐山蠡縣任邱曲陽大水七月定遠  
廳應城大水八月霑化徒駭河溢東昌衛河決壞民田長清日照荷澤觀城鉅  
野大水三年三月石首江陵大水郝穴堤淤平鄉固安武清平谷清苑蠡縣任  
邱青縣曲陽玉田霸州大水六月武城河決江山黃梅鉅野通州大水東昌衛  
河決七月太湖溢鮑家壩決下河禾稼盡淹蘇州高淳大水四年二月大興宛  
平等九州縣水七年五月房縣汪家河水溢壞田廬無算西河水溢入城蘄州  
大水漂沒田廬人畜江陵大水六月枝江大水入城日照大水八月崇陽山水  
陡發城中水深數尺潛江大水堤潰九年秋霑化長清大水十年五月通山水  
陡發數丈高淹沒田廬人畜無算崇陽大水六月枝江大水入城漂沒田廬宜  
都興大水十一年貴筑黃安黃岡麻城蘄水公安宜都大水石首堤潰六月雲  
夢堤決漂沒田廬無算房縣安陸大水七月日照清苑惠民商河霑化高淳武

進大水八月鍾祥大水漫堤黃陂漢陽大水十一月陸河水大漲房縣黃州應  
山武昌南昌南康瑞州袁州饒州撫州文安清苑大水十二年夏松滋堤決江  
夏應山麻城鄖縣大水民房多壞玉田大水七月鍾祥大水堤決漢江暴漲城  
圯二百四十餘丈溺人無算堵水溢壞官署民房過半襄陽宜城大水八月均  
州漢水溢入城深七尺民房坍塌無算應城水溢青田大水九月觀城鉅野大  
水武城河決十三年春平鄉大水四月貴溪江山咸寧江夏黃陂大水武昌大  
水至城下五月公安宜都歸州大水六月漢江溢黃岡蘄州黃梅大水大興宛  
平望都撫甯石首公安松滋大水五月麗水孝義廳大水六月榆林大水淹沒  
田禾縉雲大水十五年五月沔縣漢水溢漂沒田廬鍾祥大水七月霑化蒲台  
邢台大水十六年春寧海海溢淹沒民田七月鍾祥大水堤潰十八年六月宜  
都水溢南陽淹沒民居甚多七月恩施清江水溢十九年正月惠民霑化濟寧  
州大水三月枝江大水入城公安松滋鄖西大水四月鍾祥大水堤潰六月武  
昌臨江大水文昌門公安枝江宜都松滋大水六月汶水溢臨邑陵縣大水玉

田大水相繼五年被災甚重秋靜海溢禾稼盡沒霑化大水沔縣漢水溢二十一年夏武昌黃陂漢陽松滋黃州鍾祥大水二十二年五月江陵大水入城松滋大水二十四年七月嶧縣堤潰溺死七十餘人江陵大水城圯松滋枝江大水入城南昌袁州饒州南康惠民霑化蒲台大水二十五年六月東平大水七月青縣縉雲雲和太平公安大水樂亭海溢二十六年正月潞河溢五月枝江大水入城青浦大水漂沒數千家六月汶水漲堤決青縣大水二十七年鹽山等二十六州縣大水二十八年松滋安陸隨州大水黃州大水至清源門保康大水田廬多損六月南昌袁州饒州南康陵縣大水雲夢山水陡漲堤盡潰咸甯江夏黃陂漢陽高淳武清大水蒲圻水漲高數丈十二月隨州應山黃岡江陵公安大水二十九年四月應山大水居民漂沒無算黃岡大水入城蘇州嘉興大水湖州大水田禾盡淹五月興安黃陂漢陽大水蠡水溢六月公安羅田麻城蕪水歸州宜昌蒲圻咸甯安陸大水黃州大水入城枝江大水入城七月三原河溢漂沒田舍溺人甚多日照大水武昌大水陸地行舟十二月桐鄉大

水田禾盡淹三十年六月黃河漲漂沒田廬無算青田東平大水咸豐元年正月東平夏太平大水秋懷州大水二年六月平河高陽大水七月鍾祥穀城襄陽潛江公安大水三年三月麗水大水五月孝義廳嵯縣太平大水六月左田如德山水暴漲平地深丈餘七月保定府屬大水宜城漢水溢堤潰城垣圯一百五十丈均州大水入城四年五月松陽大水廣昌蛟出水西南北三面城圯淹斃男婦以萬計官廳民舍僅存十之一二秋保定府屬大水五年七月麗水雲和 大水景寧山水暴發田廬盡壞黃陂麻城黃岡蘄州廣濟陂塘水溢十二月鍾祥水暴溢六年五月嵯縣太平大水七年夏松滋枝江大水七月縉雲縉州大水八年十二月江陵松滋公安大水十一年六月鍾祥大水堤潰七月景寧大水同治元年五月公安大水日照大水秋臨江大水二年春湖州海水溢六月鍾祥大水潛江高家拐堤決保康大水淹沒田舍公安大水秋鄖西大水三年夏公安大水秋鄖西大水四年四月公安大水五年夏公安德安崇陽咸宜大水九月臨江江夏大水六年三月羅田大水五月江陵興山大水八月宜

城漢水溢入城深丈餘三日始退襄陽穀城定遠廳沔縣鍾祥德安大水潛江  
朱家灣堤潰九月臨邑大水黃河溢九年六月潯沱河溢宜城漢水溢公安枝  
江大水入城漂沒民舍殆盡歸州江水暴溢黃岡黃州大水秋孝義廳武昌黃  
陂大水十年夏武清平谷大水秋公安大水泗河堤潰十一年三月公安枝江  
大水六月潯沱河溢漫入滋河直隸諸郡大水高淳甘泉臨朐大水十二年六  
月公安大水秋臨朐高淳大水潯河溢青縣黑港河決秋潛江大水十三年五  
月公安大水秋甘泉孝義廳大水潛江大水深丈餘宣平北門外洪水泛濫水  
高丈許冲塌民房八十餘間男婦二十餘人光緒元年二月青浦魚台河決境  
內淹沒過半潛江大水二年五月南昌臨江吉安撫州饒州南康九江潛江大  
水六月青田宣平大水八月邢台白馬河溢三年五月宣平大水四年夏常山  
大水入城南昌臨江吉安撫州南康九江饒平廣信武昌大水五年五月玉田  
薊運河決隋州大水文縣大水城垣傾圯淹沒一萬八百三十餘人六月文縣  
南河隋州西先後水漲淹没人畜無算八年三月武昌德安大水常山大水田



禾盡淹秋復大水九年正月玉田孝義廳皋蘭順天大水十一年五月黃河溢  
惠民徒駭河溢霑化大水十三年秋灤州洮州大水十八年六月南樂衛河決  
洮州大水二十年七月太平松門溢堤盡潰南樂衛河決宣統元年六月蘭州  
黃河漲泰安大水

順治六年七月二十日上海晚日中黑氣一道直貫天頂須臾海中黑氣一道  
上升與日中黑氣相接如橋至暮乃滅七年十月十四戌刻湖州有黑氣一道  
自西亘東長百餘丈九年正月十五日黃岡雨黑水如墨十三年正月初一日  
衡水有黑氣自西北來如煙十四年七月崑山黑眚見十一月含山黑眚見十  
五年夏平湖黑眚見康熙二十年八月初四日澄海見黑氣一條入東門至北  
門東林村始滅十月宜昌夜間黑眚見三十四年四月襄陵黑眚見雍正六年  
三月初九日鎮洋見黑氣如疋布良久方散乾隆三十五年七月東光黑氣迷  
漫移時方滅三十九年二月朔高邑黑眚迷人四十年四月初五日高邑黑眚  
咫尺不辨嘉慶元年秋聚陽有黑氣自東向西啐啐有聲十四年正月朔東光

有黑氣一道自西北抵東南長竟天道光二十八年六月昌黎見黑氣冲咸豐三年三月十六日中衛有黑黃氣二道直衝天際五年七月初十曹縣見黑氣寬二三丈長亘天同治二年六月肅州日昃時有黑氣長竟天半夜方滅